

مولوتوف

4



نورث
عصر

تقديمه من قبل
مجموعة من الشباب فقط

- اهل شيف (عشي)
- اهل يا مات
- هاتقند لنا ايه النهارده
- النهارده هاتقند طيق جند.. طريفة عن (مسلول)
- وااو... انفضن الكاسير امك
- الحفيدة الطيق نا
- مصري اصين ومشهور والنص
- قند جدا بين هاتقول لنا
- اسرار الصنعة



طريقة عمل مستول بالارانب



وصفة خاصة: د. نامر احمد

مولوتوف

نعم مخلوق عظيم..

تذكرت هذه البداية ، قبل أن تقرأ الصفحات التالية..

لا تترك نفسك وسطنا ، ما لم تكن مسلحاً بـ 'مولوتوفية' أنت أيضاً ..

و إذا كنت من هؤلاء الذين ينامون قريبي العيب مساء.. فاسمح لنا، مكانك
ليس هنا .. أما لو كنت من أولئك الذين يعدون النجوم (ف عز الضمها) .. فيا
فعللاً يا فعللاً ..

ستجد هنا زجاجات مولوتوف ، تلقى على كل عيوب و سلبيات مجتمعنا..

طبعاً مش احنا اللي حاتصلح الكون ، لكن احنا بس عايزيه نقول : بلاش
تغلط ..

جايز تكون عبط.. هبك .. لكنك أكيد مش إيهابيه .. فمولوتوف اسم على غير
مسمى .. مولوتوف هي صندوق الزجاجات الوحيد غير القابل للإنفجار ..

إلا ضحكاً ..

فعهيا ، اضحك معنا على همومنا ..

بس إوعي تنفجر فينا .

واحد فرقة مع زمان

أهلا بك عزيزي رئيس الدولة في حلقة جديدة من برنامج
طبق اليوم، معنا اليوم الشيف (علي الوزير) وسيقدم لنا
طريقة عمل صنف جديد اليوم..

- "أهلا شيف (علي)"

- "أهلا يا هاتم"

- "هاتقدم لنا ايه النهارده؟"

- "النهارده هاتقدم طبق جديد.. طريقة عمل (مسنول

بالأرانب)"

- "والا.. اتفضل الكاميرا معاك"

- "الحقيقة الطبق دا طبق

مصري أصيل ومشهور

والصنف دا قديم جداً بس

هاتقول للمشاهدين أسرار

الصنعة.. الأصناف المصرية

كلنا عارفينها وحافظينها نبدأ

بالمقادير: عدد (واحد) بني



آدم، الكثير من الواسطة، بعض اللامبالاة، شيء من الكذب،
إلى جانب البهارات العادية..

نأتي بالشخص المطلوب جعله مسنول.. ثم نراجع
واسطته وقوة تأثيرها، ونبدأ باستخدام سكين حاد-
باستنصال الضمير، ثم نتبعه بالمبادئ والقيم، بعدها نتبله في
خليط من الليمون والملح والفلفل والكذب والغش والنفاق
والعمولات ثم نتركه لمدة نصف ساعة.

في هذه الأثناء نعد الفرن علي درجة الحرارة المطلوبة،
ثم نجهز الكرسي اللازم للمسنول القادم.



بعد أن يتشرب الشخص من
التتبيلة، نفرده علي النشابة لتتأكد
من عدم وجود أية شوائب من
المبادئ أو الأخلاق، ثم نجهزه
بوضع الكثير من التصريحات
الكاذبة مع البهارات وزيت
الزيتون، ونطعمه بالتوجيهات،
نأتي بالكرسي وندهنه بالغراء

تضمن عدم زحزحته من الكرسي مطلقا ثم نثبت الشخص
عنه جيداً. وتنخذه الفرن، ونظل نلاحظ أداء المسنول جيداً
حتى يتضج، بعدها نخرجه من الفرن.. نزينه ببعض
التصريحات الوردية والتغطية الإعلامية، ونضع حوله بعض
العنايق مع حلقات البصل و... مبروك سيدي.. فقد أصبح
لديك مسنولاً صالحاً للاستعمال لأكثر من عشريiiiiiiiiii عاماً..

ماذا؟.. تسألونني عن الأرانب؟؟

لا داعي للقلق، فالمسنول سيصنع هذه الأرانب بنفسه في
فترة وجيزة، ساعتها سيصبح مسنولاً بالأرانب."

- " أعزائي المشاهدين..

قدمنا لكم طريقة عمل مسنول
بالأرانب.. في الحلقة القادمة نقدم
طريقة عمل شعب مش لاقى
ياكل.. وهو صنف مصري أيضاً."

قال

أغنية

قال



بقلم: هدير

كل الناس بتتكلم عن انهيار مستوى كلمات الأغاني وأنا
مصداقهم.. ولا انتو ليكو رأي تاني؟

مش معترفين برضه.. طب بأمارة (بح وبتشخلع وحاحا
والعب والروف)، أظن كده عرفتو أنا بتكلم عن إيه (مش
لاقيه وش بيغمز).

بس المشكلة بقى إني سمعت أغنية لمطربة محترمة،
المفروض يعنى.. بس كلمات الأغنية مش بتعبر عن حب
خالص؛ ده عنف اغتصاب للمشاعر بالعافية، وفي الآخر
دعوة للجواز العرفي.

أنا مفترية ومش مصدقني!!؛
طب اسمعوا معايا..

" قلبك ماعدش ملكك مادام
عشقتك

قلبك ماعدش ملكك مادام
سكنته

مدام بحبك خلاص بقى قلبي أنا "



ولا يهملك يا سنجي..
أنا حاغمز بدالك!

منتهى الأنانية والسخافة.. ماشى نقول حب وبتاع، بس
دي عايزه قلبي، إمال أعيش بايه بس!!!؟

"قلبك ماعدش عندك مابقاش يخصك"

قلبك ماعدش عندك مادام بحسنه

خدته عندي أنا"

يا نهار...!! ماعدش قلبي عندي مابقاش يخصني!! إمال
يخص مين؟.. خدتيه ليه ياست؟؟.. "بحبك".. حب مين يا
أمي؟!، أنا عايز قلبي.

"من المستحيل انك تبعد حبيب عنك

حبيب لقي منك كل إلي
يتمناه"

إيه الرخامة دي؟

"من المستحيل تهرب"
(أنت محاصر)

"ارتاح بقى وقرب" (هو)



بالعافية؟، ناقص تقولي اطفى النور..)

"اصل إلي بيحبك ما عرفش كلمة لا" (طب لا لا لا)

"قلبك بقى حته مني" (كلتيه؟)

"اهدى وطاوعني" (معذباني)

جواك سامعني (كمان كلتي وداني.. الحقوني بقيت اسمع

من جوه)

وليه مانعش حياتنا وحبنا

(أنت خلتيلى حاجة أعيش

بيها!)

"وحدك وأنا لوحدي"

(لأ.. والشيطان فين؟)

"عمال يعدي وقتك

ووقتي عايزاك عايزني (!؟)

بدون تعليق)

طب ليه نضيع حبنا (لا نضيعه إزاي.. اتنين عرفي

وجايلك في السريع)



- دي أغنية لمطربة؟.. طرب ايه بس لـ...!!! مش عارفة

أقول ايه!!!.. يعنى خدت قلبه بالعافية.. ياست ما بيحبكيش.. لا،

ما فيش حبيب يقول لا طالما حبيته خلاص..

طب حبيه وسيبيه.. لا إزاي.. الحب لوحده ما ينفعش،

بتقوله أنا لوحدي وأنت لوحديك، وعايزاك عايزني ليه نضيع

حبنا.. إمال نعمل ايه يعني؟؟

كملوا انتو بقى عايزاه ليه.. المفروض يعملوا للأغنية دي

حلقات، علشان نشوف الحلقة الأخيرة هيبقى ايه نظامها.. ولا

يعملوها أجزاء زي الأفلام..

حتى الحب والجواز بقوا بالعافية!.

جبروت امرأة فعلا.



نورث مطر



بقلم: يارا جمال الدين

الفيلسوف الحكيم
د. عبدالعليق

بقلم: محمود سراج



ذهبت للدكتور (عبد العليم)

أسأله عن تفسيره الحكيم، ورويته الثاقبة في شئون المياه والكهرباء، فأجاب بمنطقه المعهود وقال: إن المقصود، من عودة مياه الصرف الصحي للمواسير؛ هو أمر سهل التفسير، وعدد في فوائد البول، والسماذ وصحة العائلة والأولاد.. وأن الاكتفاء الذاتي؛ أفضل من كباب الحاتي.

يكفى أنها من صنع أعضائنا ومن العدل أن تعود لنا.. أما بالنسبة للكهرباء والنور وفواتيرها التي تنافس المحمول؛ فمن المعروف أن الظروف، حتمت نظافة القاهرة بعد أن أصبحت مزبلة، وتم إسناد الأمر للشركة المسنولة التي دفعت أكبر عمولة؛ حتى تستطيع الفوز بالمزبلة..

ومن فضلك امسح الريالة.

قد يعتقد البعض أن هذا المقال يعبر عن عدم حبي لبلدي.. لا والله، فأنا والحمد لله أعشق تراب مصر.. ولكن كل شيء يحدث حولنا يثير الجنون، الغضب، الفزع.. والحزن أيضا على بلد كنا نعتبره أم الدنيا.. اعتبر هذا المقال صرخة ساخرة؛ صرخة لم تستطع أن تطلقها الحناجر.. فتركت القلم ليرسمها كيفما يراها.. هذه دعوة مني لترسم معي في نفس اللوحة..

يا ريت ما تكسفينيش.. يا ريت تفهمني صح..



نورت مصر.. دي طبعا زي ما أنت عارف الحملة الإعلامية الجديدة لبلدنا العزيز؛ حملة بتوصفك كل حاجة في مصر قبل ما تزورها.. بتوريك من أول الأهرامات وأبو الهول وخان الخليلي

ونهر النيل، لحياتنا (و هو الأهم طبعا بالنسبة لمخرج الإعلان) راقصات شارع الهرم.. الواحد يا أخي مش عارف ليه كل أما يعملوا إعلان عن مصر يجيبوا الأشكال دي!!.. هو يعني البلد لو نضفت السياحة حتنضرب؟! إيه؟! ده رأيك يعني!!! ماشي..

و الشيء الأجل من كده هو طبعا شعار الحملة (نورت مصر).. اللي تكرم عدد كبير من ممثلينا العظام بالتضحية بوقتهم الثمين وتوفير بضع دقائق -من أجل رفعة الوطن وسلامة أراضيه- لنطق شعار الحملة (نورت مصر) وما

يفوتكش طبعا صوت الفنان (سامي....) وهو بيقول (نورت مصر) إللي وقعها في نفس الواحد بيكون (إوعى تيجي مصر.. أنا باقولك أهه!!!)

- والسؤال المحير هو: ألا يوجد في مصر سوى الراقصات والممثلين للإعلان



عنها؟؟؟!!


أنا أقترح تغيير شعار الحملة من (نورت مصر) إلى
(فضحت مصر)..

* * *

الكل طبعا يعرف رواية (عمارة يعقوبيان) للكاتب (علاء
الأسواني).. وما قد لا يعرفه البعض أن للكاتب مجموعة
قصصية أخرى وهي (نيران صديقة)، وفي هذه المجموعة
قصة بعنوان (الذي اقترب ورأى).. في القصة دي يعلن البطل
نفوره الشديد من مصر والمصريين؛ والسبب هو إنه مش

شايف أي
مميزات في
الشعب
المصري!!!

تصور..
إحنا ما فيناش
مميزات؟؟!!..



بيقول إن إحنا شعب جبان (ده البطل مش د. علاء) وما
عندوش ذمة، ومنافق، وخبيث، ومتخلف!!.. ليه يا عم كده
بس؟!

ده إحنا شعب عنده حضارة سبعتلاف سنة!!!

و عندووووو...

و عندووووو...

و عندووووو... آه.. إحم..

ما هو أكيد عنده حاجة ثانية!!

آآه.. عندو حضارة سبعتلاف سنة!! إيه مش كفاية؟!

عندو حتشيسوت، ورمسيس، ومينا موحد القطرين..

و عنده نواب مجلس شعب، بيسرقوا الشعب.. ويخلعوا

على بره بفلوس الشعب..

و عندو موظفين مية

مية..

منتهى النشاط؛ بمجرد

إنهم يشوفوا بس العشرة

جنيه في إيد المواطن..




إللي هو واحد من الشعب..

و عندو حكومة بتحترم حرية الرأي بتاعت الشعب..
وشعارها: (قول الللي أنت عايزه.. وأنا هاعمل فيك الللي أنا
عايزه)

شفت أنت ديمقراطية من النوع ده في بلاد بره؟!!

طبعاً لا..

و المواصلات.. يا أوحى يا أوحى على المواصلات.. دي
لوحدها يتكتب فيها دواوين شعر..



جميع أنواع المواصلات عندنا على مستوى عالي..

يا إما بتنفجر.. يا إما بتغرق.. يا إما بتولع.. ويا إما بتخبط
في بعضها.. أمال إيه؟! تنوع.. وكل نوع وإمكانياته والللي
ربنا يقدره عليه..

ومسئولين الحكومة مالهمش دخل طبعاً؛ لأن الخطأ في
جميع الحالات بيكون خطأ بشري.. يعني من الشعب وللشعب..

وأحد هذه الحوادث طبعاً زي ما أنت برده أكيد عارف هو
حادث القطارين.. قطار المنصورة وقطار الإسكندرية، والللي
الخطأ فيه كان طبعاً خطأ بشري..

والمسئولين ما بنشوفهمش
غير على قناة الجزيرة.. لأن
مصر ما فيهاش حد يحاسبهم..
ويكون الحوار كالاتي:

- المذيع (وياريت يكون
أحمد منصور عشان المسئول
يتربى): "ما يحدث في مصر



شيء غير معقول.. حوادث القطارات كثيرة جدًا.. كل أما
الناس تنسى حادثة تيجي حادثة ثانية تفكرهم.. إيه موقف
الحكومة بالنسبة للموضوع ده؟"

- المسنول: "أولاً حادثة القطار بتاع الصعيد ما كانش
للحكومة ذنب فيها.. القطار ولع، قضاء وقدر.."

- المذيع: "طيب والناس اللي اتفحمت دي؟!!"

- المسنول: "الناس دي ماتت لأن ما عندهاش لياقة
بدنية، ميت مرة نقول.. الرياضة يا ناس.. الرياضة يا سادة..
الرياضة يا شعب؛ ما حدش بيسمعلنا.. الخلفة هدت حيلهم..
غيرهم نط من القطار وربنا كتبله عمر جديد.."

المذيع:

"ما هو

اللي نطوا

من القطار

ما

سلموش



برده.. منهم اللي طلع بكسور ومنهم اللي طلع بعاهة
مستديمة!!"

- المسنول: "عاهة مستديمة ولا يتفحم؟؟!!"

- المذيع: "آه.. وجهة نظر برده.. طيب ينطوا إزاي
والشبابيك كان عليها قضبان حديد؟!!"

- المسنول: "ما هو أنا قلت لك يا أستاذ أحمد.. الناس
ما عندهاش لياقة.. ما هو لو كانوا بيلعبوا كراتيه ولا كونجفو
كان زمانهم عرفوا يكسروا القضبان.. لكن حنقول إيه بقى..
ما فيش وعي رياضي.."

- المذيع: "طيب القطار كان بيتنصف بجاز.. وده اللي

ساعد على الاشتعال"

- المسنول: "يووووووووه.."

ننصف مش عاجب.. نسيبه وسخ برده

مش عاجب.. طيب نعمل إيه بس؟؟!!"

- المذيع: "آه والله.. عندك حق.."

طيب والحادثة الأخيرة؟"



- المسنول: "أهي الحادثة الأخيرة دي بالذات بقى الحكومة مظلومة فيها.. الخطأ فيها بشري مليون في المية!!"

- المذيع: "إزاي بقا!!؟!"

- المسنول: أقولك يا سيدي.. السواق بتاع قطر المنصورة هو اللي مش عارف الإشارات كويس.."

- المذيع: "وهي إيه الإشارات دي؟"

- المسنول: "ثانية واحدة أطلع الكود.."

- المذيع: "يااااه.. كل

ده!!"

- المسنول: إيه؟.. كبير

قوي مش كده؟.. عشان بس

الناس ظالمة الحكومة.. بص يا

سيدي في صفحة.. مثلا يعني

مثلا.. في صفحة 3594:

- "اللون البمبي



المسوخ.. (خلي بالك لازم يكون مسوخ).. البمبي المسوخ يا سيدي يعني تقف.. اللون التركواز يعني..

- المذيع: "تركواز؟؟!!!"

- المسنول: "آه أمال.. ده إحنا مواكبين العصر..

التركواز.. يعني.. هدي شوية، اللون الليلا يعني إوعى

تقف، اللون الأخضر المصفر يعني إمشي على طول"

- المذيع: "طيب وإيه الفرق بين.. إوعى تقف وإمشي

على طول!!?"

- المسنول: "إوعى تقف أسرع من إمشي على طول..

أمال إيه؟؟.. لازم يكون في دقة"

- المذيع: "يااااه.."



"خايف أوعدك ما أوفيش"

"أقولك في تلاقي ما فيش"

و بجد وبقولها من قلبي لكل واحد مصري، يعني من الشعب.. وأي واحد بيشاور عقله يزور مصر، وأي واحد بيزور مصر، ربنا يرجعه لأهله بالسلامة..

بقوله من قلبي: نورت مصر.



المسنول: "الكافيه أو ليه بقى معناه: إزي الحال؟، المشمشي معناه: الولاد عاملين إيه؟، أما السيموني أو البستاج فمعناهم (الولية مطلعة عيني)"

- المذيع: "وليه لونين عشان نفس المعنى؟!"

- المسنول: "أهو.. بنسلي السواق.."

- المذيع: "!!!!....."


أنا رأيي إن الواحد لازم قبل ما يركب أي وسيلة مواصلات إنه يكتب وصيته.. الواحد مش ضامن عمره..

ياه.. شفت مصر حلوه إزاي..

أنا عندي اقتراح كده لشعار جديد لحملة إعلانية جديدة، مهداة من الحكومة المصرية والشعب المصري إلى الشعب المصري وأي شعب عايز يزور مصر وهي أغنية (محمد منير):



صديقي ..
رائيس
جمهورية



بقلم: محمد عيد

الفيلسوف الحكيم ..
د. عبدالعليم
بقلم: محمود سراج



حالة إزعاج السلطات التي قامت بها المدونات، وقضية الانتهاكات، والتعذيب الذي ينافس سجن أبو غريب، والتي تمت في أقسام الشرطة؛ فسر لنا دكتور عبد العليم الأمر، بأنها غلطة وقع فيها بعض الضباط الشبان، الذين أساءوا لمصر بلد الأمن والأمان، وأكد أنهم قلة قليلة لا تعبر عن أخلاق الشرطة الجميلة، وان كل من ثبت عليه تهمة التصوير لاقى جزائه وبنس المصير، وقد نجح هذا القرار السديد في عدم ظهور أي كليب جديد، وعاد الوضع القديم، وسط ارتياح بالتعمية التي حدثت للقضية..

وربنا يخلي لنا الداخلية.

أوضتكَ افتحك كتاب بدل ما انت قاعد زى حيلتها كدا واكل
شارب نايم والاسم تلميذ، صحيح مرعى وقلة صنعة."
وأخذ عرفه يُقلب في الجرنان، وفجأة:

- "عنااايات.. يا (عنااااات)"

- "في إيه يا راجل؟، بتنده

ليه كدا؟!!"

- "تعالى يا ولية بُصي.."

- "يا (عرفة) الرز ها يشيط،

أجي أشوف إيه بس"

- " (أحمد صادق) بقا عضو

مجلس شعب"

- " (أحمد صادق) مين؟!.."

- " لا ولا حاجة.. روعي



خليكي في الرز بتاعك"

دخل (عرفة) حجرة نومة لاعتنا (سلسفيل) الظروف التي
انتهت به لهذه الحياة، متذكراً صديق شبابه (أحمد صادق)

- " (عنايات)، هو أحنا هاناكل إيه النهارده؟"

- " هاناكل إلي هابتعمل."

- "!!! طب شهلي شوية لأنني جعان"

- " وانت شايفني واقفة برقص في المطبخ?!!"

- " ياوليه بطلي مناطيه وقولي حاضر.."

- " قولي حاضر؟، هين هين الله يخيبك يا راجل، حلوة

قولي حاضر ديه"

ودق جرس الباب، لينهض (عرفة) ويفتح الباب:

- "بابا بابا.. أنا جبنتك الجرنان"



- "كتك

باو أما يحش

زورك، خش

غور على

- "والله فكرة يا (عنايات)، أول مرة من ساعة ما أتجوزتك تقولي حاجة عدلة.. بس يا ترى ها يفكرني، ولو افكرني ها يرضي يشغلني؟"

- "روح وشوق يا عرفه وأنت ها تخسر إيه؟"

- "ده وزير يا وليه، أنت عارفه يعني إيه وزير، يعني علي شان أوصله (موت يا حمار)، وإبقي قابليني لو عرفت أخشله"

وبعد فترة..

ترررن ترن.. تررررن ترن



" حد يرد على
التليفون يا بهائم، مش
عارف أنااااام"
- "بابا بابا بابا
بابا"

وتلك الأيام الجميلة التي لن ينساها مطلقاً.

وبعد فترة..

- "الحقي يا
(عنايات)، (أحمد
صادق) بقا وزير"
- "(أحمد صادق)

مين؟! "



- "طب غوري من قدامي، غوري بدل ما ورحمة أمي
أقوم أعمل منك فيلم الأرض، وكمان اسمه (أحمد صادق)
بيته.. دا وزير يا ولية، وزير"

- "طب وإنت مالك ومال الوزير ده يا خويا، كان من بقية
أهلك؟! "

- "لأ كان صاحبي يا ولية، صاحبي"

- "طب ما تروحله يشوفاك وظيفة ولا حاجة، بدل الشغلة
المهيبة إلى أنت فيها ديه"

- "الله يخرّب بيتك على بيت بابا إلي مش عارف ينام عشر دقائق.. نعمين يا هباب البرك، عايز إيه من أبوك؟"
- "تليفون ليك يا بابا، واحد بيقول إنه عايزك"
- عرفة: "ألو، مين معايا؟"
- المتكلم: "مش لازم تعرف مين معاك، ألبس هدومك دلوقتي حالا"
- عرفة: "مش لازم أعرف إي—ه؟! أنت عبيط ياض؟ وهدوم مين إلي ألبسها، أنت شكك.. (فقل السكة الراجل الهزق)"
- وبعد دقيقتين ونصف تمامًا..

ترارارا، ترارارارا..

- عنايات: "قوم افتح الباب يا (عرفه)، أنا في المطبخ"
- عرفة: "طيب يا(عنايات).. نعم، مين انتم؟"



- الأول: "اللواء أحمد الجزار، جهاز أمن الدولة"
- الثاني: "اللواء محمود سامي، إدارة المخابرات العامة"
- عرفة: "نسي.. ع..م، آآأأمرني يا باشا"
- الأول: "هو مش قالك ألبس هدومك، ملبستهاش ليه؟؟"
- عرفة: "كلب يا بيه.. كلب وإستاهل ضرب الجزم؛ أنا غلطان والله، غلطان وأبويا معرفش يربيني، سماح المرة ديه، والنبي معلش"
- الثاني: "خش ألبس هدومك"

- عرفة:
"فوريره يا بيه،
غمض عينك
وافتحها
هاتلاقيني ظهرت
قدامك"



- عنيات: "مين إلى على الباب يا عرفة؟"

- عرفة: "دول ظباط يا ولية، ظباااااط، وعايزني ألبس

هدومي"

- عنيات: "خير اللهم اجعله خير، أنت عملت إيه يا

راجل؟، سرقت مين ولا قتلت مين؟"

- عرفة: "يا ولية معملتش حاجه والله، والله ما أعرف،

دول لواءااااات يا (عنيات)، لواءات أمن دولة ومخابرات"

- عنيات: "يا نهار أبوك مش فايت!!، أمن دولة!!، أنت

إرهابي يا عرفة؟!"

- عرفة: "إرهابي.. هو أنا بكلمك عن ابن الجيران يا

(عنيات)، إمال لو مكنتيش عايشه معايا؟.."

- عنيات: "معرفش

والله بقا، ما دام أمن دولة

تبقا إرهابي"

- عرفة: "طيب..

هاروح أشوف عايزين مني

إيه وربنا يستر".




وفي إحدى الأماكن التي لم يستطع (عرفه) معرفتها، حيث عصبوا عينيه وألزموه الصمت فلم يستطع الاستفسار عن أي شيء، ناهيك عن أن جلوس لواءان بجانبك سيلزمك الخرس التام، ومن ثم فقد تم اقتياده إلى غرفة ما، ولهول الصدمة وجد ما لم يكن متوقفاً!!

- "مين، (عرفه)؟"

انطلقت هذه الجملة فجاء (عرفه) بعينه في المكتب، كان مصمماً على أرفع المستويات الممكنة، لن يبالغ (عرفه) لو قال إن هذه هي أرقى الأماكن التي جلس فيها طوال حياته..

دقق (عرفه) النظر في مصدر تلك الجملة الأخيرة.



- "إيه يا

(عرفه) مش

فاكرني، إخس

عليك"

- عرفة:

"مين؟؟ (ياسر أبو العلاء).. يخرب بيتك يا بني.. أنت فينك
وفين أراضيك.. يااااه عشر سنين يا (ياسر) من غير ما
اسمع عنك ولا كلمة"

- ياسر: "فينك وفين أيامك يا (عرفة)، الله يرحم أيام
زمان.."

- عرفة: "متفكرنيش الله يكرمك، خليني في الهم إلى
أنا فيه، شفت صاحبك (عرفة) انتهى بيه الحال لأيه.."

أتجوزت يا (ياسر)، أتجوزت"


- ياسر: "يا لهوي وجالك قلب تعملها"

- عرفة: "الحاجة الله يرحمها هي إلى دبستني"

- ياسر: "البقاء لله يا (عرفة)"

ثم قطع
حديثهم دخول
أحد الأشخاص
عليهم.

- ياسر:



"الحق يا (عرفة)، شايف مين دا؟"

- عرفة: "مين!! (هشام)، يرحم أيام زمان يا جدعان،
إيه اللمة الحلوة ديه"

- هشام: "مين!! (عرفة) و(ياسر).. يخرب بيوتكم، انتم
جيتم هنا إزاي؟"

- ياسر: "إلى جابك هو إلى جابنا"

- هشام: "هع هع هع عاش مين شافكم، إيه أخبار الموزز يا
واد يا (ياسر)، وأنت يا (عرفة)، لسه بتتصب على الناس؟؟ شكلك
بقيت رجل أعمال كبير"

- ياسر: "نق بقا"

زى عادتك، إلا إيه أخبار
الحشيش معاك يا
هشام؟، لسه بتشربه؟"

- هشام: "هو إلى"

فيه داء ببيطلة يابني"

- عرفة: "أنا ربنا"



تاب عليا، الحاجة قبل ما تموت حلفتني على كتاب الله إني امشي في طريق سليم وجوزتني"

- هشام: "ياض خش بالكلام دا على حد غيري.. دا أنت الكبير يا كبير، إلا إيه أخباركم يا جدعان.. الدنيا عملت معاكم إيه؟"

- ياسر: "أنا بقيت (ريجيسير) قد الدنيا، كل الكليات إلي أنت بتشوفها في التلفزيون ديه، (الحريم) إلي فيها اكتشاف العبد لله"

- هشام: "يا لهوي، كله كله؟؟"

- ياسر: "آه والله كله، إلي بتغني، والى بترقص، والى

بتقلع، كله كله.. أصل الحريم دولا موهبة يابني، والشاطر إلي يعرف يستخدم موهبته"

- هشام: "أنت هاتقولي،

دا أنت موهوب من صغرك"

- عرفة: "وأنت بقيت



إيه يا (هشام)؟"

- هشام: "انتوا متعرفوش ولا إيه، دا أنا بقيت عضو كبير أوى في الحزب، وقريباً هابقا عضو في المجلس، وأنت يا (عرفة) إيه أخبار النصب معاك؟"

- عرفة: "مش قلنا ربنا تاب عليا.. أصل الحاجة قبل ما تموت حلفتني إني أبقا مستقيم وجوزتني واحدة المفروض إنها بنت حلال على شان مرجعش للهلس تاتي.. الدنيا بقا نصبت عليا.. لا الواحدة طلعت بنت حلال..

ولا أنا عارف أكل بالاستقامة، ولا عارف ارجع للنصب

تاني"

قطع دخول أحد

الأفراد عليهم


الغرفة، وكان محاط

بالعديد من الأفراد:

"أهلا يا

رجالة، سوري لو

البهايم دولا جابوكم



على ملي وشكم"

الثلاثة في نفس واحد: "مين، (أحمد صادق)!!!!"

أعقت تلك الجملة تحرك خمسة رجال نحوهم، إلا أن إشارة خفية من يد (أحمد صادق) أوقفتهم.

- أحمد صادق: "معلش اصل لو حد قال (أحمد صادق) حاف، ديه بتبقا آخر جملة يقولها في حياته.. المهم يا رجالة (موجهًا حديثًا لمن أتضح أنهم حرسه الخاص) سيبونا لوحدنا" خلت الغرفة على الفور، سوى من الأصدقاء الأربعة..

- هشام (مذهولاً): "هو في إيه يا (أحمد بيه صادق)، مش تفهمنا؟"

- أحمد صادق: "بييه إيه بس، عيب يابني عيب، ديه سجاير الحشيش شاهدة علينا، قال بيه قال.. بص يا (هشام) يا صاحبي القصة يطول شرحها، بس باختصار إني



بعد آخر مرة شفتكم فيها، سافرت بلاد برة وهناك اشتغلت والحمد لله، وبقيت مليونير في ظرف شهرين بالتمام والكمال".

- عرفة: "مليونير في ظرف شهرين، ليه اشتغلت إيه؟"

- أحمد صادق: "البركة فيك يا (عرفة).. أصلي اشتغلت نصاب، نصبت على شعب البلد ديه كلها، مفيش عيل ولا راجل ولا واحدة هناك إلا وتترطس ويا عيني على الناس بتاعة بره، بتموت في إلي يضحك عليها وعينك ما تشوف إلا النور، حوار من هنا على حوار من هناك، وأهيه انقضت والشعب اطلس، وبقا معايا أول مليون بعد أول شهرين"



- ياسر: "وبعدين يا ابن (صادق)؟"

- أحمد صادق: معايا مليون ومستورة والحمد لله، ريحتي فاحت والقعدة هناك بقت مشمومة، أفضل وسط الخطر يا

صاحبي ولا أرجع بلدي وسط ناسي وأهلي؟"

- ياسر: "لاء ترجع بلدك"

- احمد صادق: "وده إلى حصل، رجعت البلد هنا لاقيت الشعب بيشمشم في صواب رجليه والناس شويه شويه هتاكل الإسفلت إلى في الشوارع، أنصب عليهم؟؟ يا شيخ دا أنا أبقا مفتري، وكمان أخري ساعتها رجل أعمال.. وأنا طموحي أعلى من كدا بكثير.."

بصيت للناس كويس، لاقيتهم بيظطروا نكد ويتغدوا هم وقرف ومحدث طايق عيشته؛ قلت أرفه عنهم شويه وأهيه

(المخدرات) برضوا بتسعد

الناس.. سنه سنتين لاقيت

الفلوس كترت أوى وحبابي

بقم كتار، قلت يا واد يا

صادق متكلم الرأس الكبيرة

وأهي الحصانة شكلها حلو

برضوا، كلمت الرجل الكبير



وقتلته، رد عليا وقالى (يا صادق يا ابني أنت مستوفي جميع الشروط، مبروك عليك عضوية مجلس الشعب).

كملت المشوار وافكرت الواد (ياسر) والى كان بيعلمهولنا، (أقصر طريق للوصول إلى الرجل، المرأة).. ومش محتاج أقلكم الباقي بقا، الرجل الكبير حبيني أوى هو والى حواليه.

ومن كام شهر لاقيت الرجل الكبير بيكلمني وبيقلى "أنت هاتبقا رئيس جمهورية يا (صادق)", قتلته طب إزاي؟ قالى "مفيش هنا إزاي، رئيس جمهورية يعنى رئيس جمهورية"، صرخت فيه "يا كبير هو أنا هابقا (رئيس جمهورية مركز

شباب العمرانية؟) دا

رئيس دولة يعنى

مواصفات وشروط

تاتيه خالص".

رد عليا بكل

هدوء وقالى:



"الشروط والمواصفات ديه أحنا اللى بنعملها يا صادق،

ودفتر (البفرد) هايتوزع في
المجمعات الاستهلاكية.. خلى الشعب
يعيش سعيد".

- ياسر (بيه): "وأنا ها خليلك
الناس قدام التليفزيون مبحلقين فيه
أربعة وعشرين ساعة، الناس أصلها
زهقت، بقالها كثير بتتفرج على الهز
والرقص والدلع، خلينا نجيب من
الأخر.. وأهو نبقا زى الدول



المتقدمة"

- احمد صادق: "وأنت يا (عرفة)، قلت إيه؟"

- عرفة: "ثواني أعمل تليفون صغير"

احمد صادق:

"اتفضل بس هاتكلم مين؟"

- عرفة: "هاكلم مراتي"

عنايات: "ألو، مين معايا؟"


عرفة: "أنا (عرفة) يا ولية"

وأنت ملكش دعوة برناسة الجمهورية، أحنا إلي هندير وأنت
الواجهة.. يا (صادق) يا حبيبي البلد ديه زى (محل الهدوم)
فيها ناس هي إلى بتفصل وناس بتتبع وناس تدير.

أحنا بقا إلى بنفصل وأنت إلى هاتدير وفي الآخر الناس
هي إلى بتلبس.. وأهو كله عايش مبسوط.

المهم نقلنا كام وزير كدا حلوين، وخذ بالك، أهم حاجة
تتوافر فيهم الشروط.."

وأنا بقا يا صحابي ملاقيتش حد أعتمد عليه غيركم..
(عرفة) بيه وزير المالية، و(ياسر) بيه وزير الإعلام، أما
(هشام) بيه فهو وزير
الداخلية.



هشام (بيه): "وأنا عليا
أنزلك قرشين حشيش شهرياً
على بطاقة التموين لكل أسرة
مكونة من أربعة أفراد،

بنروس فين مع الشلة ؟




نرويشة:
د. شريف عرفه

مولوتوف (4)

48

عنايات: " (عرفة)؟!، أنت بتتكلم منين يا راجل، وأنت
بخير ولا لاء؟ "

عرفة: " (عنايات).. أنت طالق يا (عنايات)، طالق
بالتلاثة! "



كل منا له شلة من المقاطيع، الذين لا هم لهم في الحياة،
سوى إضاعة وقتك الثمين!

هذه الشلة لا تنشط إلا حين يكون وراك حاجات مهمة
تعملها.. وقت الامتحانات مثلا.. عندك واجب.. متابع فيلم أو
برنامج في التليفزيون.. كده يعني!..

ساعتها هاتلاقي تليفون جالك من واحد صاحبك بيقولك إن
الشلة كلها مستتيك، وأحمد رجع من السفر مخصوص وانك
واحشهم جدا ولازم يشوفوك.. أو لو كان رزل- هاتلاقيه تحت
بيتك قاعد يزمر ويعرف المنطقة كلها إن الشلة في انتظار
سيادتك وانك لازم تلبس وتنزل حالا!..



ساعتها هاتضطر
للنزول مرغما طبقا
لمبدأ التدبيس..
وتبدأ رحلة
الترويش مع الشلة..

الترويش مع الشلة هنا لن يخرج عن واحدة من
الترويشات التالي ذكرها..

الخروجية الأولى: القهوة!

خروجية القهوة من أكثر الأنواع شيوعا في عصرنا
الحاضر.. تلاقى صاحبك جم خطفوك من البيت عشان تروح
تقعد معاهم على القهوة..

في القهوة النشاطات المتاحة هي أن تشرب شيئا ما، كان
من الممكن أن تشرب مثله وأنت قاعد مستريح في بيتكم،
والكلام في مواضيع مالهاش لازمة غالبا لأنها هاتكون شكوى
أو سب أو لعن شخص أو جهة ما.. صباح الإحباط يعني!!

لكن لو شلتك مالهاش وجهات نظر في الأحداث المحلية

والعالمية هاتلاقيهم
قاعدين يتابعوا مباراة
الموسم (اللي عمرك ما
سمعت عنها غالبا!) أو
لو كانوا ضايعين-



هاتلاقيهم بيتفرجوا على كلييات في قناة الأغاني.. وكلها حاجات كان ممكن تعملها في بيتكم أساساً من غير خروج وبهدلة..

لو كانت دماغهم عالية بقى هاتلاقيهم بيلعبوا بحماس غريب البطولة العالمية بتاعتهم وهي:

بطولة دورة الاستميشن:

هاتلاقيهم قاعدين يلعبوا بالكوتشينة لعبة (الاستميشن) ذائعة الصيت.. ولو كانت شلتك واقعة هاتلاقيهم بيلعبوا (ترنيب).. وطبعاً بيكملوا الدور اللي ابتدوه من سبع سنين مثلاً.. تلاقي الكوتش بتاعهم راح مطلع ورقة متطبقة من محفظته، ويقعد يفرد فيها لحد ماتلاقيها بقت في حجم مفرش



السفرة.. ويبدأ يراجع الجداول ومين كسب ومين خسر..
عشان تبندوا الدور الجديد وكل الأمور واضحة..

لو كنت لعب ترنيب أو استميشن هاتتعامل.. لكن لو كنت مالکش في الكوتشينة من أصله، فهاتقعد وأنت حاسس إنك مالکش أي تلاته لازمة في القعدة دي، وهاتلعب اليوم اللي اتعرفت فيه على مدمني الكوتشينة دول!

الخروجة الثانية: كوفي شوب!

و طبعاً زي ما حنا عارفين الكوفي شوب بيختلف عن قهوة السكرية اللي بتقعد عليها.. فيه شوية قهاوي بتكتب على الياقطة كوفي شوب على سبيل التضليل.. وفيه شباب بتلبس يا معلم وتروح داخله.. لكن الكوفي شوب بيختلف كلياً وجزئياً عن القهوة زي ماتت عارف..

الكوفي شوب الراقي بيكون فيه (minimum

charge).. زي ما سيادتكم عارف.. عشان كده معظم صحابك ما بيفضلوش يدفعوا 150 جنيهه في قعدة إلا لو كان في في شلتكم - عدم



المواخظة- بنات! عشان المنظرة بقى والحركات دي زي ماتت فاهم! الغريب إنك تلاقي الواحد منهم سالف منك خمسة جنيهه وذلك عليهم.. ويبجي في قعدة يعمل فيها فييس ويروح رامي 300 جنيه على الطرابيزة، حسابه وحساب المدام ويبجي عشرين جنيهه بقشيش.. حاجة تغيظيا جدع!!

الخروجة الثالثة: نركب خيل!

دي خروجة بقى لو مبدأك في الحياة: (أوديكي فين يا صحة؟!)

تطلع مع الشلة كده بعد نص الليل أو حتى قبل الفجر بشوية.. تنزل على نزلة السمان جنب الهرم وتروح لسايس خيل هناك تتفق معاه.. لو ماكنتش تعرفه يبقى الباشا هايضحك عليك ويدفعك زيادة بس مش مهم.. أهى خروجة



والسلام!

يفتح لك الإسطبل ويخرج لك حصان تعيس يملأ العماص عينية وهو يسبك في قرارة نفسه لأنك اضطررته للاستيقاظ من هذه التعسيلة العميقة، لمجرد أن ترضي نزعة سادية بلهاء ألا وهي ركوب حصان بالليل.. "إيه الهيافة دي؟ علي النعمة لاوريك!" والكلام هنا للحصان في قرارة نفسه!

طبعاً يجري الحصان في الظلام وأنت ترى ظل الأهرامات أو شروق الشمس حسب توقيت رحلتك.. وبما أن الحصان مستحلفك فغالبا هاتقع من عليه أو هاتتسلت منك حاجه مهمة: الساعة -الموبايل- النظارة.. وأدي دقتي لو عرفت تلاقي حاجه منهم على رمل الصحراء في الظلام.. كان غيرك أشطر!

هاترجع بيتكم

منهك القوي مكسر
وعضلات رجلك
بتوجعك (مش)
عارف ليه.. هو
الحصان اللي كان



بيجري ولا انت؟)

الخروجة الرابعة: النادي!

و دي أفضلهم بصراحة.. تروح تلعب لك دورين اسكواش مع الواد حمدي إللي كل مرة يغلبك ويحركك قدامهم.. أو دور بنج بونج أو تنس.. وبعدها تشربك عصير برتقال مع البنت إللي بتحبها وتستحلفله المرة الجاية وينتهي اليوم..

فيه نوع تاني برضه من الشلل الرياضية.. إللي هم بيروحوا ياجروا ملعب يلعبوا فيه كرة قدم (لازم يكون فيهم واحد بيلعب حافي، مش عارف ليه!) لو مفيش نادي متاح.. لكن المشكلة هنا هي إن الملعب إللي بتأجروه مايكونش ملعب أساسا.. أرضيته بتكون أسفلت أو طوب (يعني إللي هايقع هايتشلفط) أو أرضية تراب (صباح العفرة يعني!)

الخروجة الخامسة:

الأكل!

فيه ناس بتخرج



عشان تاكل.. بس كده!

تكون لسه متغدي غدوة من الآخر.. وقاعد مانتخ قدام التليفزيون ولا على بالك.. يعدي عليك الشباب وياخدوك من حالة الصفاء الذهني اللي انت عايشها وبعد ماتنزل يقولوك: رايحين ناكل!!

تضطر تروح معاهم محل تيك أو اي شهير وتطلبوا لكم كام سندويتش على كام فرايز على كام كباية حاجة ساعة الصودا طابرة منها.. وتقعدها تاكلوا وتتكلما عن موضوع ما، وخلص على كده!

هناك بعض الآراء التي ترجح أن الخروجة دي يجب أن تليها الخروجة رقم 1 بتاعة القهوة.. يعني تاكل لك الأكلة المتينة وبعد كده تطلع عالقهوة تحبس.. ماينفعش تطلع بعدها على



كوفي شوب طبعا لأنه فيه أكل أساسا يا ذكي!

الخروجة السادسة:

سواح وماشي في البلاد سواح!

لازم واحد صاحبكم يكون معاه سيارة تعمل عمل التاكسي
الخصوصي بتاع الشلّة.. صاحب ده بيكون الشوفير
الخصوصي بتاع الشباب.. يعدي عليهم واحد واحد ويفضل
سارح في الشوارع ومعلي صوت الكاسيت على الآخر.. ممكن
شريط (عمرو دياب) أو سي دي (بريتني) الجديد.. أو حتى أغنية
(الباتجو مش بتاعي) لو كنتم شباب فاهم الترويش غلط!

مشكلة الخروج دي هي صاحب السيارة نفسه.. ممكن
يكون طيب وابن حلال وهنا مفيش مشكلة.. الأزمة بقي انه
يطلع ناصح.. هنا ممكن يدفع الشباب فلوس البنزين.. أو تطلع
دماغه ناشفة ويروح الحنت إلي على مزاجه هو، واللي مش

عاجبه ينزل في نص الطريق غير
مأسوف على شبابه!

الخروج دي مالهاش لازمة
لكن أهميتها، تغيير مناظر
وخلص..

الخروج السابعة: ديسكو تيك!
دي لو كان مزاجك عالي



وغاوي هز ومزيكا..

غالبًا (الديسكو تيك) الكويس بيكون الدخول ليه
Couples.. عشان كده لازم تكون معاك بنت زي القمر
عشان الناس اللي جوا متاكلش وشك..

فيه ديسكوهات تانية بتبقى ضاربها السلك.. يعني واقعة..
في (الديسكو تيكات) دي غالبًا هايحصل خنافة وهاتضرب،
عشان حاولت تعاكس البنت اللي لابسه (بادي).. وانت مش
عارف ان الشاب (البادي بيلدينج) اللي واقف هناك ده مش
بودي جارد، ده صاحبها يا فالح!

الخروج الثامنة: التمشية!

في حالة عدم وجود سيارة
ممكن الشلّة يفضلوا ماشيين في
مول أو في الشوارع كده
وخلص.. أو حتى يتمشوا في
مول.. لكن الخروج دي زي
ماحنا شايفين مالهاش لازمة إلا
في حالة إنك تكون عايز تشتري



حاجة أو بتتمشى مع حبيبك.. وفي الحالة دي ممكن نتمشى
على النيل أو كوبري قصر النيل أو كوبري الجامعة.. وأحيانا
حديقة الأسماك برضه.. لكن موضوع الخروج مع حبيبك أو
حبيبك ده موضوع ثاني خالص وله خروجات مختلفة تماما..
مش موضوعنا يعني..

* * *

هي دي الخروجات اللي بتتخرج
اليومين دول.. مقيش حاجة غير
كده.. لو كنت بتروش مع شلتك في
أماكن غير دول ياريت تقول لنا
عشان زهقنا من الخروجات دي
بصراحة!! ابعت قول لنا خروجاتك
انت وشلتك وإحنا مستنيين جواباتك
أو إيميلاتك أو حمامك الزاجل.

* * *



سيدنا
بقلم:
أميرة حسين

من الصعب حقا أن تتخيل أنك في القرن الـ 21، وأنت تخطو إلى ذلك المنزل في قرية (...).

ليس حذف اسم القرية للتمويه، أو لتجنب غضب أهالي هذه القرية؛ ولكن لأن الحالة عامة بالفعل، ويوجد منزل مشابه في كل القرى تقريبا.

هل رأيت حجابا من قبل؟؟

هل ذهبت لشيخ (أبو سر باتع) وجلست أمامه تستمع لنصائحه، أو بالأحرى أوامره؟
حسنا..

هو لا يشبه شيوخ
السينما بأي حال من
الأحوال، ليس بلحية
مشعثة ولا يضع أمامه
مبخرة عملاقة، ولا
يرتدي الأسمال



والسبح حول عنقه، ولم ينادِ على (شمهورش) طوال فترة وجودي هناك.

المنزل كبير، من دور واحد، عدة غرف واسعة، في كل غرفة -غالبا- مجموعة من النسوة المنتظرات دورهن لمقابلة (سيدنا)، ليجعلنه ينجبن، أو ليزوج بناتهن، أو يحفظ أزواجهن من الجارات المانععات اللواتي يخططن للاستيلاء عليهم..

غرفة صغيرة مغلقة لا يدخلها سوى (سيدنا)، ليقوم فيها بعمل (استخارة) على حد قوله.. فهو يأخذ اسم (المريضة) واسم أمها ويدخل الغرفة لعشر دقائق ليعود بكل المعلومات اللازمة عنها، وأفضل الطرق لـ(علاجها)..

وهناك حجرة كبيرة مخصصة لأحفاده، بها جهازان كمبيوتر، أحدهما متصل بالانترنت.. لم أندش



لهذا عندما علمت انه يتقاضى 50 جنيها من كل (مريضة) في كل زيارة، فهو لا يتبع أسلوب الاستشارة الذي يتبعه الأطباء، كل زيارة هي (كشف) جديد، و(فيزيتا) جديدة.

والعملية ليست سهلة كما تتصور، وطرق (العلاج) ليست دائماً أحجبة وبخور ودمتم..

ولأقرب الصورة لذهنك، خذ هذا المثال:

امرأة شابة متزوجة منذ عامين ولم تنجب بعد، يأخذ سيدنا اسمها واسم أمها ويدخل لحجرة (الاستخارة)، يغيب عشر دقائق ويعود ليقول:

- " انتي مكبوسة "

و(مكبوسة) هذه هي وصف لحالة كل امرأة لم تنجب أو أي أم لا تستطيع إرضاع صغيرها لأي سبب من الأسباب..

وأسباب (الكبس) كثيرة



ولا تحصى، مما يجعل من العسير حقاً أن تتفادها أي امرأة لتظل (مفرودة).

فمثلاً النفساء محرم على زوجها أو أي رجل آخر - الدخول عليها وقد قام بحلاقة ذقنه حديثاً ولا وهو يحمل لحم ابتاعه لتوه، ولا تدخل عليها امرأة حائض، وإلا جف لبنها فوراً وربما مات رضيعتها أيضاً..

وليست النفساء هي الوحيدة المعرضة (للكبس)، فالفتاة التي تتزوج حديثاً، وتأخذ أمها -التي يقتلها الفخر- دليل شرفها لتعرضه في زهو على رجال العائلة وكل من تصادف وجوده هناك، لا يفترض أن تعود لتدخل به على أبنيتها ثانية.

هكذا (تكبس) فوراً ولا تنجب

إلا بفك (الكبس).

و يستطرد (سيدنا) أمام النظرات المذعورة:

- "ماكنش المفروض أمك ترجع تدخل عليكى تاني بيها"

- "طب أعمل إيه يا



سيدنا؟؟؟

- " هاتجيبها من عند أمك، وتنقعها في ميه طاهرة للصبح، وأول ما تصحي تاني يوم حماتك تحميك بالمية دي، بس مش في الحمام عشان النجاسة!!! في أي أوضه ويكون آخر شهر عربي عشان يهل عليك الشهر الجديد، وماتنزليش من البيت يومين، وربنا يدريك إن شاء الله "

المدهش هنا أن معظم هؤلاء (مرضى) من القاهرة وليس من القرية نفسها، نساء متعلمات مثقفات وربما عاملات أيضاً..

و لا يصلح ذات العلاج لأي مريضة، كما أن هناك ألف دواء للأنفلونزا، وما يصلح لزيد هو بالتأكيد ضار لعمرؤ.. فمريضة أخرى (مكبوسة) يعطيها (سيدنا) عقد حجري من

سبع حبات ملونة، ويقال أنها أحجار كريمة من جبال السعودية، ويتم نقعه في مياه دافئة مع التقليب المستمر، ثم تستحم بمياهه..



ويجب أن تقوم الحماية بهذه المهمة دائماً في أي وصف لفك الكبس، أما من توفت حماتها فهي هالكة لا محالة!!!
و هناك (كبسات) من أنواع مختلفة، تختلف باختلاف الشخص المتسبب للكبسة:


- "أنتي عمك هي اللي كبستك"

والعمة هنا هي أخت الزوج وليست أخت الأب..

- "والحل؟؟؟"

- " تقدي تتبولى في التراب وهي تتبول وراكي، والخطين يقطعوا بعض، خدي بالك لازم يقطعوا بعض "

ترى إذن أن طرق (العلاج) ليست سهلة، بل هي تحتاج لتخطيط ورسومات هندسية ووضع خطة للعمل، الموضوع



ليس لعباً..

و بعض طرق (العلاج) تحتاج لمعدة قوية حقاً، بالإضافة لمنات الأوراق التي تحرق في البخور ويشم دخانها، مما يرجح أن المريضة تموت مختنقة فوراً وتحل المشكلة من أساسها..

و ربما التبول على قفل مغلق (متعزم عليه، أي أن سيدنا قام بتلاوة همهمات غامضة عليه ربما هي تعويذات سحرية أو تعزيمات شيطانية أو حتى أسماء لاعبي المنتخب القومي) ثم يتم فتح القفل فوق رأس المريضة أمام باب جامع مفتوح في صلاة الفجر، والاستحمام برجلة وعرق حلاوة (أنواع من الأعشاب لا أدري كنهها تباع لدى جميع العطارين، وأعتقد أن العطار نفسه لا يدري كنه هذه الأشياء).

وبالطبع لم تنقرض الأحجبة العزيزة، المكتوبة بلون أحمر -يقول سيدنا أنه عنبر، وإن كنت أشك أنه قلم فلوماستر بجنيه ونص- بخط عفاريته يستحيل



قراءته، حتى لا تنفضح أسرار المهنة ويصبح كل من هب ودب قادراً على صنع حجاب.

لقد انتهى العهد السعيد حين كان الشيوخ يطلبون جوز فراخ بيض مشقشقين ونص ريال فضة وهدهد يتيم..

و ترون طبعا أنني أصبحت خبيرة في كل طرق علاج (الكبس) والأعمال والربط ووقف الحال وخلافه..

و في مقابل 50 جنيها في الزيارة الواحدة، لا أمانع في أن أفتح لي (مكتب)، وأتحول إلى (سيدنا)..

فقط بمجرد أن أجد قرية تخلو من واحد.

طبعا يتساءل البعض في خبث
"لماذا ذهبت إلى هناك؟؟؟"

وهو سؤال غريب بالفعل ويدل على غياب مطلق.. ذهبت لأتزوج طبعا، ظننت هذا واضحا..

تسألون أسئلة عجيبة حقاً!!!!

* * *



نهت الحصار



بقلم:

أحمد عبد المولى

الفيلسوف الحكيم..

د. عبدالعليم

بقلم: محمود سراج



بعدهما أصبحت الراقصات

ينقسمون (موديلز ومغنيات)، ذهبت للدكتور (عبد العليم) لأعلم تفسير هذا التطور الخطير، الذي جعل الطرب سوقاً للبلح والعنب، فرد بابتسامه، أن هذه علامة على تشجيع الحكومة للدعاية والإعلان، وقريباً سوف يدخل السوق الخضار والباذنجان، وبالنسبة للفتيات صاحبات الدم الشربات، أؤكد أن الرقص والدلع هو فن من دروب اللوع، المتأصل في المرأة المصرية الدلوعة الحبوبة المستقوية، ويكون نساء لبنان يخلب جمالهم العميان؛ فمن الطبيعي أن نشجع على عجرفة نساءنا حتى يتحسن إنتاجنا، من الكليبات..

والله يكون في عون الراقصات.

فقط تمر بعينيك سريعاً على العناوين، من باب الفضول
والضعف البشري ليس إلا:

* شبكة دعارة تديرها سيدة مجتمع شهيرة! (دائماً هي
سيدة مجتمعات.. ودائماً هي شهيرة!)

* القبض على ممثلة شابة ولاعب مشهور في فيلا
بالمقطم! (دائماً هناك فيلا بالمقطم، سواء لتحضير الأرواح أو
لتوفيق الرؤوس.. في الحرام!)

* ثلاث ذناب بشرية يغتصبون فتاة جامعية!

* في ليلة الدخلة يكتشف أن عروسه ليست عذراء!!

* رجل أعمال يستورد

10 راقصات روسيات

لحسابه الخاص!

تتمهل عينك عند

الصور، ذات الشريط

الأسود على العينين

(ومناطق أخرى) (مؤخراً)



"برجاء مراجعة الفيلم الجميل (فيلم ثقافي) قبل

القراءة!"

□ تمهيد:

أنت محاصر يا صديقي..

وكما يقول (دانتى): أترك وراءك كل أمل!

لأنه في الحقيقة لا أمل لك في الفرار.. ولن يأتي (ستيفن

سيجال) لإنقاذك للأسف!..

دورة حياة يومية لأحد المرضى:

في طريقك إلى الجامعة،

يفريك الزحام الذي لا ينتهي حول

بانع الجراند.. لا زال الوقت مبكراً

لحضور محاضرتك الأخيرة،

وأنت طبعاً لا تشتري لأنك تعرف

الحكمة الخالدة: القراءة لا تفيد!



أصبحت بلا شرائط).. تتنازعك مشاعر شتى.. تتراجع في
بطء، بينما عينك لا زالتا تُجولان بين الصور.. تتوقف إثر
اصطدامك بـ(كرش) مرن خلفك، ترفع عينك أخيراً لتفاجأ بكل
العيون ترمقك بنظرات اتهام..

تتصنع عدم الاهتمام، وتحاول الفرار.. فقط لتكتشف أنك..
تحت الحصار!

* * *

تصل إلى الجامعة أخيراً..

فاتتك بالطبع حتى المحاضرة الأخيرة..

جحافل الطلبة تغادر جحورها المسماة بالمدرجات..


مهرجان من الألوان والخطوط والأشكال، وأمواج
متلاحقة من

تصفيفات الشعر،

ومعارك صاخبة ما

بين أنواع العطور

التي تجهل



أسماءها، ولا تميزها، ولا تعرف أصحابها!

عرض أزياء لا تناسب أصحابها غالباً.. وتدهش أن هناك
عارضات بالحجم العائلي (كومبو)، ولكن يبدو أنك لا تتابع
مسابقة ملكات جمال الوزن الثقيل.. لا عذر لجهلك يا صديقي..

الموضة هذه الأيام تكشف أوسع (وأكبر) مساحات
ممكنة، وتكشف عن المساحات الباقية.. طبعاً هي علامة مسجلة
باسم فتيات أحلامك (هيفاء ونانسي طبعاً!)، أما أصدقائك
الشباب فقد ركبوا موجة البنطلونات الساقطة (لا أعرف اسمها
بالضبط ولكن نما إلى علمي أنها علامة مسجلة لشواذ الولايات..
المتحدة طبعاً!) والتي تعلن عن سروال داخلي مشجر، لم يصل
بعد إلى مجال معرفتك التي

اقتصرت على الألوان
(السادة)!

يعجبك الأمر هذه
المرة.. وتقرر أن تبقى
تحت الحصار فترة أطول!..

* * *



تقرر والدتك أن اليوم دورك في جدول التسوق الدوري، وأن عليك شراء مستلزمات البيت لهذا الأسبوع.. تتبرم.. تدمدم.. يوسوس لك الشيطان أن ترفض، قبل أن تستعين على الشقاء بالله، وتحمل حقائبك في يدك متجهًا صوب ميدان المعركة..

في سوق الخضار تحاول اتباع نصائح والدتك بخصوص الطماطم، وما يصلح منها للسلطة، وما يصلح للصلصة.. تنهمك في حل معضلة الطماطم، قبل أن تنتبه إلى أن الأصوات قد صممت من حولك، وأن البانعين، والزبانن، وحتى القطط المتشردة، قد تسمروا جميعًا في أماكنهم وشخصت أبصارهم في اتجاه شيء ما يأتي من خلفك..

تلتفت لا إرادياً لتفاجأ بأن
 (هيفاء) لدى بائع يلفظ أنفاسه
 الأخيرة، تحاول انتقاء شيء ما..
 تتصنع عدم الاهتمام،
 وتمضى في طريقك إلى حلقة
 السمك (لا أعرف إن كانت
 لديكم واحدة في القاهرة أو



لا!) لتفاجأ بنفس المشهد هناك، ولكنه بطولة الأنسة (مروى) هذه المرة!

تتصنع عدم الاهتمام وتتجه صوب السوبر ماركت لإحضار بعض (النواشف) من أرز ومعكرونة وسكر وشاي وزيت (واضح أن بطاقة التموين الخاصة بكم قد فقدت في ظروف غامضة)، لتجد هذه المرة (ماريا) تبكي، وتضرب الأرض بقدميها، وقد فشلت في العثور على (مصاصتها) المفضلة!

يجف لعابك تدريجياً بفعل الحر (ومؤثرات فسيولوجية أخرى) فتقرر أن تمر على كشك عم (عبده) لتطفى عطشك بزجاجة كوكاكولا، لكنك تفاجأ بشلال هواء بارد يأتي من لا مكان، وتلتفت لتجد أن عم (عبده) يفتح زجاجة مثلجة، وبكل رقة يناولها لـ(نانسى) التي تجاهد لإعادة الأمور إلى نصابها!

حينها تفتن إلى الحقيقة..

أنت يا صديقي.. تحت
 الحصار..!



في فترة المساء والسهرة، يتوزع وقتك ما بين مشاهدة قنواتك المفضلة على (الوصلة) وبين مشاهدة مواقعك (المفضلة أيضاً) على الإنترنت..



يتطلب ذلك سهرك
إلى وقت متأخر
لتضمن غرق الجميع
نومًا، قبل أن تنام مع
أذان الفجر، قبل أن
يستيقظ والدك الطيب

لأداء الصلاة.. ووداعًا لمحاضرات الغد!!..

حين حاولت مع مجموعة أصدقائي العلماء الوصول إلى تفسير، وجدنا أنفسنا داخل دائرة مفرغة لا فكاك منها.. نجوم (مزيكا) و(ميلودي) يؤكدون أن الشباب (عايز كده)، بينما يؤكد الشباب أنهم مضطرون للجوء إلى نجوم (مزيكا) و(ميلودي) لأنهم لا يملكون خيارات أخرى..

طب إحنا نصدق مين؟!..

هو نفسه الخلاف بين نظريتي (حارس البوابة) ونظرية (الاستخدام والإشباع).. هل وسائل الإعلام (حراس البوابة) هي التي تحدد للجمهور نوعية الرسائل الإعلامية التي يتلقاها، أم أن استخدام الجمهور لتلك الوسائل بهدف إشباع رغباته، هو ما يتحكم في مضمون الرسالة الإعلامية؟!

وطبعًا البنات ماشيين يقولوا: يارب عريس!..

أما مواقع الإنترنت فقد أصبحت مجانية لوجه الله تعالى،



لا يريد أصحابها سوى أن
نذكرهم بالدعاء!

□ الأعراض

المرضية:

المريض بهذا النوع

(الذي أصبح شائعًا) من المرض يتسم بالعدوانية، التي يكون الإحباط مصدرها، والإحباط طبعًا يأتي من المقارنة (المحايدة) بين مشاهد الكليب الأخير، وبين مشاهد حرم الجامعة.. خاصة في كلية الطب.. بالإضافة إلى إحباط من نوع (إللي حب ولا

طالشي!

سنبتعد قليلاً عن جرائم الاغتصاب والتحرش، ونقترب من عرض هام جداً هو احتقار المرأة عموماً، والنظر إليها ككائن تقتصر مهمته على توفير اللذة الحسية لا أكثر ولا أقل، ولا ننسى طبعاً متلازمة الوسواس القهري الذي يؤكد للمريض في كل لحظة، أن أي حركة وأي كلمة وأي فعل من أي شخص؛ لا بد وأن ينطوي على إيحاء ومغزى جنسي بشكل أو بآخر..

□ العلاج:

حين استشرنا وزارة الإعلام، باعتبارها المسنول الأول، أكد لنا وزير الإعلام في ثقة أن لديك زر (On/Off) في الريموت كنترول الخاص بتلفزيون سعادتك.. يمكنك أن تضغط عليه في أي وقت تشاء، كما يمكنك تغيير القناة إلى (اقرأ) أو حتى (ديسكفري)!!



قلنا لوزير الإعلام أن غالبية الشباب يشاهدون تلك القنوات عبر (الوصلات) وليس لديهم ترف الاختيار إلا من بين عشرين قناة، نصفها للكليات، فاعتذر لأنه مشغول!

وحين اتجهنا إلى د. (هبة قطب) نصحتنا بشغل أوقات الفراغ بأشياء مفيدة مثل القراءة والرياضة، والتحلي بالإرادة في مواجهة الشهوات.

ونسينا في الحقيقة إخبار د. (هبة) بأسعار الكتب، ورسوم اشتراكات النوادي، وطبعاً عن آلاف الشباب الذي لم يعد لديه ما يخسره، بعد التخرج وضياع العمر في البحث عن فرصة عمل! ليجدوا أن الحل العملي والأفضل والأرخص هو أن (نقضيها كليات وفرجة)!



طبعاً الزواج المبكر ليس حلاً مطروحاً، لأن الزواج المتأخر نفسه لم يعد متوافراً، كما أنه (حرام) أن نقطع عيش أصحاب وصلات القنوات الفضائية وشبكات الـ



بقلم: محمود عبد الرحمن موسى



DSL ومقاهي الإنترنت!


أسمع واحدًا يتساءل في ذكاء:
والحل إيه من الآخر يعني!!?
أجيبه: نعمل بجد واجتهاد
ونشاط في معامل أبحاثنا (تحت
السلم) للتوصل إلى علاج ناجح
ناجح.. لكننا لا نعد حقيقة.. أن يكون
ذلك في القريب العاجل.. أو
الأجل!!..



الحكاية ف أصلها لعبة قمار
 نسألك ويكون سؤالنا
 أغبي من مخ الحمار
 واما هتشوف الفاتورة
 تركبك حالة شحار

غصب عنك

أو بخاطرك برضه لازم تتصل
 و الطريقة إلي ف إيدنا
 واحدة في الإعلان بترقص
 فيه طرق سهلة ورخيصة



بس قلنا ان العرايا في النهاية

برضه أرخص

ياللا قوم

طب لإمتى وفين هتقعد وانت بتعد النجوم

قوم وحقق ياللا حلمك

تسعة خمسة.. تسعة خمسة

إتصل قبل اما تنسى

كله بعد السحب فايز

عندنا مخزن جوايز

ياللا قوم اطلب أوام إن كنت عايز

خلي بالك

الدقيقة بنص أهيف

و بصراحة إن كنت هايف.. إحنا أهيف

قلنا لازما نسحبك من دم قلبك

إما تخسر.. أو هتخسر

بس إوعى ف مرة تسأل

أو تبص ف يوم وراك

لجل نقدر نلسعك من فوق قفاك

وبدون هزار



استبيان هام..



أنت مصري؟

بقلم:

مسام مرفوظ

مولوتوف (4)

86

نوعك.. هتبيع هدومك

هو ده منظر هدوم؟؟؟

واوعى تنسى

تسعة خمسة.. تسعة خمسة

آخرتك ويانا هوسة

أو تلاقى الضغط عالي

تتلحس وتقول جرى لي

مش هقوللك تاني جرب

دى الدقيقة بنص أهيف..

نص أهيف

و بصراحة إن كنت هايف..

هم أهيف

0900 9595




- 1- هل تجهل كل شيء تقريباً عن التاريخ الفرعوني؟
- 2- هل لعبت أحد هذه الألعاب في طفولتك: كهربا - صيادين السمك - بلي المثلث - قفاشة الملك؟
- 3- هل سبق لك الأكل على عربية فول من قبل؟
- 4- هل تأكل في رمضان كمية من الطعام تساوي بالضبط ما تأكله في غير رمضان؟
- 5- هل تشعر بفزع وتشاؤم لا مبرر لهما لدى مرورك بالقرب من قسم الشرطة؟ (المفروض أنها تحميك)
- 6- هل لا تفهم شيئاً من أفلام يوسف شاهين؟



- 7- إن كنت مسلماً هل صليت الجمعة في أحد هذه المساجد: الحسين - السلطان حسن - السيدة زينب؟.. وإن كنت مسيحياً هل حضرت قداس الأحد في: مار جرجس - سانت تيريز - كنيسة

العذراء مريم بالزيتون؟

- 8- هل تظن في قرارة نفسك أن الهدف الحقيقي من وجود الحكومات هو التضيق على الشعوب وليس العكس؟
- 9- هل تشاهد ثلاث مسلسلات على الأقل يومياً؟
- 10- هل تعرف ما هو اسم شخصية (هادي الجيار) في مسرحية مدرسة المشاغبين؟
- 11- هل تعتبر القراءة نشاط ترفيهي لا فائدة له سوى إضاعة الوقت والإصابة بالصداع؟
- 12- هل تعرف تتكلم بلدي وتشم الورد البلدي؟
- 13- هل تعتبر أن الكباب هو خلاصة متع الحضارة الإنسانية؟



- 14- هل أسود أيام حياتك هي الثانوية العامة؟
- 15- هل شاهدت فيلماً لنادية الجندي في سينما (فاتن حمامة)؟

16- هل تعرف من هو (حلمي خزام)؟

17- هل أكثر كاننات كوكب الأرض شراسة بعد انقراض

الديناصورات هم: سواقين الميكروباص؟

18- هل تعرف معنى هذه الكلمات الرقيقة: هرتله -

مانتخ - يبرشط - مستكنيص - يأمبص؟

19- هل أنت إنسان طيب

وجدع ودمك خفيف وتفهمها

وهيه طايره ويظهر معدنك

الأصلي في الشداند؟

20- هل شجعت الأهلي في

نهائي أفريقيا؟

أعط نفسك درجة عن كل إجابة بنعم ثم احسب درجاتك:

إن حصلت على أكثر من عشرين درجة فأنت طالب

مثالي و عليك انتظار نتيجة مكتب التنسيق.

من 15 - 20 درجة: أنت مصري أكثر من رمسيس

الثاني وسيد درويش ونجيب محفوظ ويحق لك أن تفخر

بمصريتك التي تعبت في نيلها.

من 10 - 15 درجة: أنت مصري إلى حد كبير لكن ليس

بالشكل المطلوب.. عليك أن تجتهد أكثر في إثبات مصريتك.

من 5 - 10 درجات:

أنت شخص متمصر و عار

على الشعب المصري

ويجب أن تحرم من حقه

في الانتخاب.

أقل من 5 درجات:

وات آر يو دوينج هير مان؟





بقلم:

عمرو عز الدين - شريف ثابت - محمد الاسوقي



الفيلسوف الحكيم..

د. عبدالعليم

بقلم: محمود سراج

بعد أن صارت الإصلاحية

مفرخة للقتلة والبلطجية، كان من البديهي أن يبهر دكتور
(عبد العليم) الموضوع، وأن يكون له رأيه المتبوع، بتحليل
للظاهرة التي أصابت قطارات الإسكندرية - القاهرة، قال إن
(التوربيني) أحد القتلة الأمريكان، المستوردون بأمر من
البرلمان، طبقاً للسياسة العامة للدولة

التي تتبع أمريكا علاوله، وأن هذا طريق التقدم المأمول
في أن نسير وراءها علطول، حتى نصبح دولة نووية قنابلها
تنتج في الإصلاحية، وإن كانت تنفجر في المصريين فإن
تعدادهم في ازدياد لعين؛ وكل طرق تنظيم الأسرة كانت
نتائجها مثيرة للحسرة، فإن الحل في الإصلاحية..

والتي خرج منه (التوربيني) يقدر يخرج 100.



أخذ المخرج (أمون - سخمت) في الدوران في خيمته
بأستوديو الفرعون الصغير في توتر.. مما جعل مساعده
(أياح) يشعر بالدوار..

" يعني إيه مفيش ممثلة كويسة للدور الجديد؟؟؟ "

قال (أياح):

- "كل الممثلات اعتذروا.. بيقولوا الدور غير أخلاقي..

واللبس فيه خليع"

(أمون - سخمت):

- "طب ما كل


الناس ماشية في

الشارع بلبس خليع..

ده اسمه دلغ اللي

بيحصل ده"

أخرج (أياح)



ورقة بردى وريشة وأخذ يشطب على الأسماء فيها كأنما
يهرب من سخطه بينما يقول:

- " (حنان رع) اعتذرت عن الدور.. و(نفرو زكى) أنت
عارف طبعا أزمتهام مع المنتج من أيام فيلم (لقاء في العت-
با) ومش عاوزة تشتغل معاه ولا معانا.. "

فقال (أمون - سخمت) بسخط:

- "فيلم يتكلف ملايين السحاتيت الفرعونية.. فيلم رابع
بكل المقاييس.. ومش لاقيين بطة تقوم بالبطولة!!!"

قال (أياح) في محاولة منه لتهدئة الجو:

- علي كل حال (أحمس السقا) قبل الدور.. هيقوم بدور

الرجل الذي هيسافر في الزمن

للمستقبل..

ازداد (أمون) هياجا علي

غير توقعه قبل أن يقول:

- "عارف يا أخويا، أنا

باتكلم عن الممثلة.. خرينا في

البلوة إللي احنا فيها"



ثم أتبع في حيرة وهو يضرب كفا بكفا ويستمر في قطع
الحجرة ذهاباً وإياباً كعادته:

- "يعني إيه!!.. الممثلات أختفوا مالبلد؟!"

ازدرد (أياح) لعابه بصعوبة قبل أن يقول بحذر:

- "بيني وبينك يا أستاذ الموضوع مش موضوع أزياء
كل ما هنالك إن الممثلات خايفين من الدور بيقلوا إن النص
جرئ أكثر من اللازم، وهيتسبب في إن الكهنة هتصب عليهم
لعنة (أمون) وأنت طبعا فاهم يعني إيه لعنة (أمون)"

ثم استدرك كأنما تذكر مالا ينسى:

- "لقتها.. مفيش

غير (حتشبسوت

شلبي).. هي إاللي ممكن

تقبل الدور.."

نظر إليه (أمون) -

سخمت) متسانلاً:



- "واشمعني يعني (حتشبسوت شلبي)؟!!"

ابتسم (أياح) في خبث قائلاً:

- "أنت ناسي دورها في فيلم (الكاهن) مع (أخيتاتون عبد

العزیز).. وناسي أنها كانت من أوائل الممثلات اللي رشحتهم

(إيزيس الدغيدي) في فيلم (حجريات مراهقة).. دي ممثلة

جرينة يا أستاذ.. لا بيهما لعنة (أمون) ولا لعنة (ست) إله

الشر ذات نفسه.

ثم أنه انتظر رده فترة قبل أن يسأله:

- "أطلبها.. أخليها تيجي فورياً أستاذ؟!"

صرخ فيه (أمون سخمت) بكل قوته:

- "اتصرف يا (أياح)..

إن ما كانتش (حتشبسوت

شلبي) يبقى غيرها.. إنشاء

الله تجيب لي ممثلة من تحت

الأرض."



جزء من تقرير هيئة الرقابة الفنية حول سيناريو فيلم (أهبل في المستقبل):

هذا وبعد اجتماع أعضاء اللجنة المشكلة لقراءة سيناريو فيلم (أهبل في المستقبل) المسجل برقم (98758) في جمعية الفيلم الفرعوني، وإطلاع أعضاء اللجنة الموقرة على السيناريو سالف الذكر ومناقشة موضوعه، فقد أجمع السادة أعضاء اللجنة على رفض العمل رفضاً كلياً وباتاً للأسباب التالية:

1 - فكرة العمل تمثل هرطقة صارخة بدعوتها إلى التفكير في المستقبل الذي هو غيب لا علم لنا به.



2 - أحداث الفيلم تتضمن تخيل -وهو الفعل المحرم عقائدياً- مملكة (مصر) كجمهورية يحكمها أحد العامة، وهو ما يمثل إهانة لمقام مولانا فرعون البلاد ورب العباد.

3 - السيناريو يحتوى على

بعض الألفاظ التي رأتها اللجنة بذينة وترجع بذاعتها إلى خلوها من أي معنى مثل (الكمبيوتر) و(الموبايل) و(الإنترنت) وغيرها من المصطلحات الخاوية من المضمون، التي حفل بها السيناريو.

4 - أحداث الفيلم تتضمن سفر البطل إلى المستقبل قبل اكتمال بناء الهرم، وهو ما رأته اللجنة فألا سينا، ونذير شوم بعدم اكتمال بناء الهرم الذي هو رمز حضارتنا العظيمة.

و بناء على ما سبق وإنذار المنتج والمخرج بالعقوبة المشددة في حالة مخالفة تقرير اللجنة.. وسلام على فرعون الإله.

- أقر بما فيه أعضاء لجنة الرقابة الفنية

رئيس اللجنة: ددفا - رع

خطا مندوب الرقابة بقدمه إلى الأستوديو وهو رجل أصلع يحمل ورقة بردي مختومة بختم الرقابة ثم تقدم من (أمون - سخمت) قائلاً:



- المخرج (أمون - سخمت).. آسف.. الفيلم موقوف رقيبًا.. قالها وهو يضع البردية في يده..

إحمرت رأس (أمون) الصلحاء وصاح بغضب:

- "مين إلي كتب القرار ده؟؟؟ أكيد رئيس الرقابة (ددف - رع).. طول عمره بيحقد عليا في كل أفلامي ودي مش أول مرة.."

والتقط اللغافة وفضها وأخذ يقرأ ما فيها، قبل أن يقول ضاحكًا:

- "هي دي الأسباب؟؟ أسباب تافهة.. قال إيه.. الفيلم فيه إسقاطات على الفرعون.. عشان المستقبل المتخيل في الفيلم عبارة عن فراغة بيحكمهم واحد من العامة.. بالذمة ده سبب؟!.."

ثم رفع عقيرته بالضحك هو يقول:

- "لا والسبب التاني أنقح.. قال إيه.. الانتقال في الزمن وقت بناء الهرم يعد



إسقاط على عدم اكتمال الهرم نفسه.. طب ما هو لو الأغبياء أخذوا بالهم.. هيلاقوا البطل لما يروح المستقبل هايسكن في شارع اسمه شارع الهرم.."

ثم التفت إلى رسول الرقابة دون أن يكمل قراءة بقية الأسباب وأردف:

- "روح قول لـ(ددف - رع).. المخرج العبقري (أمون - سخمت) ها يعمل الفيلم يعنى ها يعمل.. وأعلى ما في هرمه يركبه.."

ثم التفت إلى فريق التصوير وقال:

- "يلا.. كله في مكانه.."

ثم اتبع بصوته الجهوري:

ريدي.. ستيدي.. أكشششششن

و في معبد (الكرنك) جلس كبير

الكهنة وعلى وجه إمارات الغضب وهو يحدث كاهن شاب:



- عملها (أمون - سخمت).. صور الفيلم من غير موافقتنا.. وحياة (أزورييس) ما أنا سايبه..

قال الكاهن الشاب:

- "طب ونعمل فيه إيه؟"

هرش كبير الكهنة رأسه الصلعاء، ثم

قال:

- "ارميه في السجن.. لغاية لما

نشوف ها نعمل فيه إيه.."

قال الكاهن الشاب:

- "أنا بقول نرميه للتماسيح.."

التفت إليه كبير الكهنة صانحاً:

- "نعم؟!.. أنت بتعدل على كلامي ولا إيه؟!.. أنت نسيت

نفسك؟!.."

تراجع الكاهن الشاب في هلع وهو يقول:

- "أبدأ أبدأ يا كبير الكهنة.."



هز كبير الكهنة رأسه في رضا وقال:


- "خلاص.. ارموه في السجن.."

وقضى الأمر.

و بعد أن تم إلقاء القبض على المخرج (أمون - سخمت)، حاول منتج الفيلم (سنب - كى) أن يعوض خسارته، فاتفق مع أصحاب سينمات (حتحور بلازا) و(تحتمس ستارز) و(أمنحتب مول) على عرض الفيلم رغم كل ما يحيط به من ظروف..

فوافق أصحاب السينمات، ونزلت أفيشات الأفلام على

جميع مسلات وسط البلد
منقوشة بأحدث وسائل النقش
الهيروغليفي..



((الفيلم الفرعوني
المعجزة.. (أهبل في

المستقبل).. بطولة النجم (أحمس السقا) والنجمة (نفرتي

من النقد في الأوساط الفكرية في مملكتنا العظمى "

من مقال نقدي بجريدة (المسلات) الوطنية:

" فيلم ساذج خال من

أي معنى وقيمة، ولا يصلح

حتى للأطفال.. فكر مغرق

في الخيال الفج.. مالنا نحن

والمستقبل..؟؟.. لم لا نلتفت

إلى مشاكلنا المعاصرة

ونحاول حلها..؟؟.. يا سيد

(أمون - سخمت).. أيها المبدع العظيم.. المفروض أن رسالة

الفنان الحقيقية هي دراسة مجتمعه وتقديم حلول أزماته في

العمل الفني، لا الهروب منها والخوض في عبث فانتازي لا

طائل من وراءه.. "

جزء من مقالة منشورة بمجلة (الدير البحري) الصادرة

عن مجمع الكهنة بمعبد (الدير البحري):



السيد).. قصة الأديب الكبير (نجيب حنب).. وإخراج المخرج العالمي (أمون - سخمت) ((.. وكم كان لتلك الحملة الإعلانية بالإضافة إلى مجموعة المقالات عن الفيلم والتي تصدرتها صور (أمون سخمت) برداء السجن عظيم الأثر في توافد المصريون القدماء على مشاهدة الفيلم في كل أنحاء مصر الفرعونية.. ولكن ذلك لم يدم طويلا...!!

من مقال نقدي بمجلة

(طيبة).. بقلم (حورس الديك):

" الفيلم يعد ثورة جديدة

في عالم السينما بما يقدمه

من رؤية استشرافية

للمستقبل، وبما يحتوى عليه

من فن سينمائي خالص سواء على مستوى بناء السيناريو،

أو التصوير الخلاب أو المونتاج السلس أو الموسيقى

التصويرية الرائعة التي وضعها (خى - رت).. والأهم من ذلك

كله.. الأفكار.. تلك الثورية الفكرية التي أتوقع أن تثير زوبعة



"هذا فيلم كافر كافر.. ملئ بالإلحاد والمجون.. وليس هذا بغريب على مخرج مثل (أمون - سخمت) الذي تعود على التناول على العقيدة في أفلامه.. عندما تؤكد العقيدة أن الإله هو الفرعون والفرعون هو الإله، فليس لأحد منا أن يتناول ويتكلم عن يوم يحكم فيه أحد العامة بدلا منه، ولم يمنع ذلك أسرة الفيلم ورشحت الفيلم للدخول في منافسة أفلام الإغريق وفينيقيا في مهرجان الحبشة السينمائي الدولي..

الفرعون الإله.. هذا هو الكفر بعينه.. لذا ومن مكاني هذا أعلن أن جميع المشاركين في صنع هذا الفيلم وعلى رأسهم المخرج (أمون - سخمت) خارجون عن عقيدة فرعون العظيم.."



"يذهب المخرج ببطل الفيلم إلى المستقبل.. ويصف المستقبل بالكثير من الخزعلات.."

حيث يتخيل وجود مخترعات عجيبة مثل (مصباح الجاز).. ما هو هذا الجاز أساساً؟.. بل وذهب إلى ما هو أبعد.. تخيلوا.. (غسالة).. آلة تضع فيها الكتان المتسخ فيخرج نظيفا بدلا من غمرها في ماء النيل العظيم كما نفعل دوما!!.. إنها هرطقة ودجل.. حتى السحرة لا يجرفون على تخيل ما تخيله المخرج.."

مقتطفات من تصريحات نجوم الفيلم:

- فيها إيه لما بطل الفيلم يروح المستقبل؟.. فيها إيه لما يلاقي الفراعنة بيلبسوا جزم؟!.. ليه عاوزين يحجروا على حرية الإبداع والتخيل؟!.. (أحمس السقا لبرنامج المعبد معبدك.. قناة حتحور



الفنية)
بينما صرح الأديب (نجيب حنوب) بغضب شديد:

- لن يتقدم المصري

شباك التذاكر لدور العرض الفرعونية:

- 1 - (بسبوس)
- 2 - (مسلة فرعونيان)
- 3 - (وي - جا)
- 4 - (جعلتني كاهنا)
- 5 - (تي - تو)
- 6 - (العبارة ف الشكارة)
- 7 - (التجربة الرومانية)
- 8 - (صعيدي في الجامعة الإغريقية)
- 9 - (خالتي فينيقيا)
- 10 - (لم - بي)

هذا وقد خرج فيلم (أهبل في المستقبل) من السباق في



أسبوع عرضه
الثاني بعد رفعه
من غالبية دور
العرض نتيجة
لانعدام الإقبال

القديم طالما هناك نقادًا بهذا الشكل.. ولن نستكمل بناء الأهرامات.. وستسقط صناعة السينما في طيبة حتما.. بل إنه صرح في غضب أن صناعة السينما قد تقدمت عند الهكسوس.. فقد ناقشوا كل شيء.. و ضربوا بكل القواعد التقليدية عرض الحائط.. ونحن ما زلنا نهاجم الخيال في أفلامنا.. اللي اختشوا اتحنطوا صحيح...!! (نجيب حتب.. لجريدة حديث المعابد)

و عن دورها تحدث (نفرتيتي السيد) قائلة:

- مش عاجبهم لبسي في الفيلم؟!.. يشوفوا الستات ماشين إزاي في الشوارع ولا يشوفوا الناس من كم سنة قبل اختراع الهدوم كانوا ماشيين إزاي وبعدين يحاسبوني.. وبعدين ده لبس خيالي للمستقبل..



حاجة غريبة!! (نفرتيتي السيد..
لبرنامج موضة زمان.. قناة عيون
إيزيس النسائية)

قائمة ال (Top Ten) في

ثلاثي أضواء بير السلم

بقلم: أحمد محمد عبيد



* * *

نبا عاجل أوردته قناة (الفرعونية) الإخبارية:

أعلن مصدر أمني من وزارة الداخلية الفرعونية أن المخرج (أمون - سخمت) قد أصابته نوبة هياج مفاجئة، جعلته يغافل حراسه، ويلقى بنفسه بين التماسيح التي يبدو أنها " ما صدقت " والتهمته في ثوان.. وقد علق الدكتور (أمين منقرع) الخبير النفسي على ذلك بأن الراحل كان يعاني من شعور هائل بالذنب والندم على تقديمه لفيلم يمس الذات الفرعونية، فعاقب نفسه بهذه الطريقة.. أما الكاهن الأكبر، فقد قال أن الراحل استحق ما أصابه، وأن هذا هو عقاب الرب للكافرين.. "



* * *

اسمهم: سعيد وسعد ومسعود

سنهم: $78 \div 3 = 26$ سنة لكل واحد

الموئل: ثلاثة براويز على ثلاثة جدران

نبذة مختصرة: ابتدائية، اعدادية، ثانوية، جامعة، تخرج،
بطالة، بطالة، بطالة، محاولات باتسة للعمل.

الحالة الاجتماعية: ثلاث دبل، وفسخ الخطبة Coming

soon

هم ثلاث زهرات، من زهور البلد التي بدأت اشك في كون
باتيها ليس حلواني بل بستاني.

(الفصل الأول - فيلم

الموسم)

المشهد الأول

سعيد أبو السعد في إحدى
محاولاته للحصول على عمل
استطاع الالتحاق بمكتب
ريجيسير بسيط وراوده كثيراً



حلم أنه موهوب بشدة في مجال التمثيل فهو أقوى من (فريد
شوقي) وأجمل من (هند رستم)، لكنه كان سكرتيراً أو مساعداً أو
ببساطة (صبي ريجيسير) فالورشة.. عفواً.. المكتب، به سعيد
والمدير فقط.

كان يكتب اسماء المتقدمين كوجوه جديدة ولم ينس أن يضع
اسمه أولاً في القائمة ومن بعده يأتي الآخرون.

فتاة ترى نفسها موهوبة:- أنا وصديقتي ممثلتان رائعتان،
نحن نمضي كل وقتنا في اختلاق الاحاديث والكذب، ونبحث عن
فرصة العمر للعب دور البطولة امام أحمد وز، نحن حالمتان
ونستطيع لعب كل الادوار الرومانسية.

سعيد:- وأين هي صديقتك؟!

الفتاة الحالمة الرومانسية: في المستشفى بعد أكلة كوارع

دسمة.

سعيد: سلامتها، وما

اسمها؟

الفتاة التي صديقتها تحب

الكوارع: اسمها مها

سعيد: ماذا؟



وبينهما عقد احتكار ظالم، لكنها ستوافق عليه في النهاية، ليس لأن سعيد مقنع، ولا لأن الفتاة بلهاء، لكن هذا هو السيناريو..

سعيد: هل اتصلتي بالطبيب؟

الفتاة التي ستوافق على العقد في النهاية: نعم، وأكلنا ترمس على الكورنيش، لقد كان رائعاً، شكراً لك.

سعيد: ما الذي كان رائعاً، سعد أم الترمس؟

الفتاة التي أكلت ترمس مع سعد: بل الكورنيش

سعيد: صورتك أعجبت أحد منتجي السينما، وستلعب دور البطولة في فيلمه القادم.

الفتاة التي ستلعب دور البطولة: وما اسم الفيلم؟

سعيد: الرجل أمامه ثلاثة أسماء ليختار من بينها.. فإما



(قميص الحبايب) أو (الخباز) أو (ضرب الحبيب) وحين يختار الاسم سيبدأ في كتابة القصة، لكنه لو اختار الأول سيكون اسمك فتلة، وتحبين ترزي حريمي وتهربين معه، أما لو اختار الثاني

الفتاة التي لم يسمعها سعيد جيداً: صديقتي اسمها مها.
سعيد: تكرارك للحروف الثلاثة الأخيرة، هل هو صدى صوت، أم أنك تعانين من مشاكل في الحنجرة؟
الفتاة التي ربما تعاني من مشاكل في الحنجرة أو صدى صوت: لا، بل هي اسمها مها.

سعيد (يدون شيء ما في ورقة خارجية): هذا تليفون طبيب جيد يعالج الحنجرة، أما لو كان صدى صوت فابلي بطة.. (يصمت لحظة ثم تقول) دعينا من صديقتك، و ما اسمك انت؟!
الفتاة التي ستعاني مجدداً من مشاكل في الحنجرة: اسمي

ميمي

سعيد يناولها رقم تليفون صديقه سعد

قائلاً: هذا الطبيب سيساعدك

** (ستار) **

المشهد الثاني

نفس المكان، مكتب الريجيسير بعد

أسبوع، وسعيد يجلس مع نفس الفتاة



فستكونين صاحبة مخبز واسمك عيشة.. وتحبين مورد الدقيق وتهربين معه، ولو اختار الثالث فستكونين مدربة ملاكمة رقيقة، تحبين مدرب الكونج فو وتهربين معه.

الفتاة التي ستهرب في كل الاحوال: لكن لماذا ساهرب دوماً؟ سعيد: هذا بند مهم من بنود عقد الاحتكار الظالم الذي ستوقعيه، أن تكوني دوماً جميلة جميلات الفيلم وأن تهربي مع حبيبك في النهاية.

الفتاة التي ستقول الآتي: وإن لم اكن متزوجة فلماذا أهرب؟ سعيد: حتى لو لم تكوني متزوجة ستهربين.

الفتاة التي تحاول أن تفهم: سيميل الجمهور من الهروب في كل فيلم.

سعيد (يقول كأب يُعلم ابنته):

- افهمي، هذا الرجل يريدك أن تكوني نجمة، سيعطيك لقب (لهطة القشطة) وسينزل اسمك على الأفيش (لهطة القشطة ميمي، التي لا تعاني من مشاكل في الحنجرة)



الفتاة التي ستكون لهطة القشطة: هذا رائع، لكني لم افهم لماذا اهرب في كل فيلم

سعيد: ستكون لك بصمتك الخاصة، انظري مثلاً لنجمة مثل شادية الجندي، إنها في كل فيلم تقوم بدور فتاة بسيطة يتزوجها رجل غني ثم يموت أو يُقتل أو يهرب ومن بعده يتهافت عليها الرجال، بعد أن تصبح أكبر (معلمة) في المكان.. وفي النهاية تُقتل بسلاح أبيض، لم يملُ الجمهور منها ولا من أفلامها كـ (الشفخانة) أو (سوق الجمعة) وهي تردد دوماً أنها (برأويه وماحدث قدر علياً) أو أنها (ماباحبكش وانت كدا).

الفتاة التي يبدو أنها اقتنعت: أنت على حق، النجمة جميلة عبيد أيضاً تقوم دوماً بدور سيدة المجتمع الراقية التي تكتشف تورط شركتها، أو تورط مسنول كبير أو تورط الحكومة بالكامل في شيء قذر، وتعرض لأكثر من محاولة اغتيال وفي النهاية ينال الاشرار عقابهم، وتُحل كل مشاكل الكون ويعم الرخاء على البلاد.. أنا موافقة أن أهرب.



سعيد: حسناً، عقد الاحتكار ينص على أن تعلمي مع المنتج لمدة لا تقل عن 100 عام، وأن تكوني دائماً الأجل في الفيلم، وأن تهربي مع البطل في النهاية، وأن تضعي في عينيك طن كحل كي تنزل دموعك سوداء في المشاهد الدراماتيكية، وأن نروج عنك إشاعة لكل فيلم، أنك تزوجتي البطل ولو كنت زوجته فعلاً سنقول إنه طلقك.

الفتاة التي وافقت أن تهرب: أنا أبصم فقط، لكن من سيقوم

بدور البطولة أمامي؟

سعيد: أنا بالطبع.

** (ستار) **

المشهد الثالث

بعد عام في ستديو

تصوير تلفزيوني به

كرسيين ومنضدة



صغيرة، عليها فازه بها ورود بينها كاميرا مسلطة على وجه سعيد الذي جلس على أحد الكرسيين، والأخرى مركزة على وجه مذبة حسناء، بيضاء البشرة حمراء الشفتين، سوداء العينين، ينقصها النسر لتعلق فوق الصاري في مدرسة ابتدائية، ويحيها الأطفال

تحت العاشرة، إلا أن الكعب العالي يجعل ألوانها الثلاثة مرتفعة فوق مستوى النظر، بالإضافة لتعلق أعين الرجال بها، وهاتفهم بحياتها حينما تضع ساقاً على ساق.

أشعر أنني خرجت عن الموضوع، ولو قلت كلمة زائدة؛

سيضطر القراء لزيارتي في مسكن جديد ومعهم بعض العيش، والكثير من الحلاوة - إن سُمح لهم بذلك.

عودة للنص.

بالإضافة لكاميرا أخرى كبيرة تجمع الاثنين (سعيد) و(العلم)..

عفواً (سعيد) و(المذبة)، وبالطبع

خلفها مصور -الكاميرا لا المذبة- ويمكن ما

يجلس المخرج.

المذبة: أعزائي إلمي بيتفرجوا علينا، حلقة جديدة من برنامجكم الرائع والجميل (نجم الموسم)، الذي تقدمه لكم المذبة اللامعة (هالة فرحان) وضيفنا اليوم هو النجم المصري العربي العالمي، نجم الشباك وحلم البنات، الفنان القدير سعيد المسعداني.



سعيد: شكراً حسنات.

حسنات: النجم الفنان سعيد المسعداني، ما هو اسمك الحقيقي؟!

سعيد: في الحقيقة وفي الواقع وإذ ربما يبدو فإن اسمي الحقيقي هو سعيد.



حسنات (تضحك بميوعة): إجابتك تعكس درجة عالية من الثقافة يا أستاذ سعيد، لكنني أسأل عن اسمك الكامل لأنه سيكون سؤال الحلقة للمشاهدين في المنازل.

سعيد (يبتسم للكاميرا): سعيد ابو السعد، لكنني رايت أنه اسم شائع فسميت نفسي سعيد المسعداني، فأنا الذي اخترت الاسم لنفسي، وأنا من اكتشفت نفسي من البداية لأنني رجل عصامي جداً.

حسنات (تشير للمصور بطرف يدها ان يظهر شعرها جيداً): كلنا نعلم أنك إنسان رائع.

سعيد (بتواضع يضع ساقاً على ساق): بالطبع، أعرف، أعرف..

حسنات (تكرر الإشارة الأخيرة): بما أننا البرنامج الوحيد على الساحة الذي يقدم للمشاهدين كل شيء عن نجومهم، اسمح لي أن أسالك ما هو عيبك الكبير الذي لا تستطيع التخلص منه.

سعيد: في الحقيقة لدي عيب خطير جداً، فأنا طبيب القلب على الآخر.

حسنات (تعيد اشارتها): أفلامك التي قمت ببطولتها مع الفنانة القديرة (لهظة القشطة ميمي التي لا تعاني من مشاكل في الحنجرة) كانت ثلاثة (قميص الحبايب) و(الخباز) و(ضرب الحبيب)، فلماذا قدمت فيلمك الأخير (كلب المدينة) مع ممثلة أخرى؟ هل انفصلت عن ميمي؟! وهل سترتبط بالممثلة الأخرى؟!

سعيد (يضحك): أنا لم أرتبط بميمي من قبل، إنها مجرد إشاعات، أما الفنانة الجديدة (مها محبة الكوارع)، فهي إنسانة رقيقة طيبة القلب ويسعدني جداً العمل معها.

حسنات (تلوح بيدها للمصور من اجل اظهار شعرها): معجباتك الكثيرات خائفات جداً أن ترتبط بالفنانة مها





محبة الكوارع، وبعضهن أغمى عليهن بعد أن تصورن أن فارس الاحلام ضاع منهن.

سعيد: لا، أنا لن أرتبط أبداً فلقد تزوجت معجباتي.. أقصد أنني تزوجت الفن.

حسنات (تلقي المصور بالفازة): الفنان الرائع سعيد المسعداني ما هي اخر اخبارك الفنية؟

سعيد (يتنحج): في الحقيقة سأقوم بدور ضابط شرطة في فيلم اسمه (اللس والحرامي) الفيلم يتناول قضية الخيانة الزوجية (يضحك) ولا أريد أن أحرق أحداثه للجمهور.

حسنات (تتناول احدى الكاميرات التي سقطت من الفازة،

تزرعها في راسها ليظهر شعرها

فقط على الشاشة وهي تنهي

الحلقة): والان حبابي المشاهدين

انتهى وقت برنامجنا الى اللقاء مع

نجم آخر وموسم آخر ومصور

آخر.



** (ستار) **

"ما هي آخر أخبار حملتنا الاسكشافية؟"

قالها الملك (صرصر السابع عشر بعد الألف السبعين) -
طبعًا واضح أن كل ملوك المملكة يسمون (صرصر) - لحكيم
البلاط (صرصر) فرد الحكيم قائلًا:

- مازلنا في إنتظار
عودتهم أيها الملك.

الملك مفكرًا :

- هل من جديد حول
الانتخابات الملكية؟..

أجاب الحكيم:

- كان هناك مرشح
واحد فقط ضدك، نتفنا شواربه وخلعنا جناحيه، ولم يعترف
على محرضيه؛ فأعدمناه.. وجثته تطفو الآن في بحار
صرصوريا العظمى..

قال الملك في تردد:

- ولكن صورتنا أمام الشعب أيها الحكيم..



في إحدى المجرات البعيدة..

وعلى بعد مئات السنوات الضوئية..

بإحدى المجموعات الشمسية..

يوجد كوكب يحتل الترتيب

الثالث من ناحية قربه للشمس..

وعلى هذا الكوكب

يعيشون..

يبيضون..

ويتكاثرون..

هذا الكوكب يتكون من قارة


واحدة تحتل ثلث مساحة

الكوكب..

وتحكمه مملكة واحدة..

كوكب يطلق عليه سكانه اسم..

كوكب (صرصوريا).



ابتسم الحكيم بخبث وهو يقول:

- شعبك الآن مقتنع إنه انتحر بعد أن خانته صرصورته..

قال الملك شاردًا بعد أن إطمأن على مستقبل

(صرصوريا):

- لقد رأيت حلمًا عجيبيًا

أمس.. أتاني صرصورٌ أبيض،

فاردًا جناحيه، وشواربه طويلة

و تبدو عليه الحكمة، وأمرني أن

أعدل نظام الانتخابات الملكية في

صرصوريا..

قال الحكيم متحمسًا:

- هذه نبوة، فالصرصور الأبيض الذي وصفته هو حكيم

المملكة في عهد ثورة الصراصير الأحرار..

نظر له الملك و وقال في حزم:

- إذن فلنجري تصويثًا شعبيًا حول تعديل نظام الانتخابات،

من الانتخاب الى المبايعة.. ولكن هل تعتقد أن شعبي قد



يعترض على هذا التعديل؟.

قال الحكيم وملامح الحكمة على وجهه:

- ومنذ متى يعارض الشعب رغباتك أيها الملك.. إنهم

يقولون ما نريد حتى لو لم يقولوا شيئًا..



وفي اليوم التالي تم التصويت لصالح التعديل، وخرج

شعب (صرصوريا) يهتف للملك:

صرصوريا يا مملكتنا

نبيض ونفقس براحتنا

صرصر يا فخر حضارتنا

حبنا ليك عالطول بيزيد

داحنا قربنا نبقى عبيد
واللى يقول ملك جديد
فى الحال يترش مبيد
ولو صرصار عارض الملك
يبقى فا جريمة مشترك
ونصيبه ساعتها يبقى
خـازوق بزميلك..

وفرح الملك بشعبه، ولكن تلك
الفرحة لم تدم كثيراً..
فقد عاد رئيس البعثة
الاستكشافية..

عاد وهو يحمل مفاجأة رهيبة..
وغير متوقعة..
على الإطلاق..


"ماذا؟!!!"



صرخ بها الملك فى وجه رئيس البعثة - الذى اكتشفنا أن
اسمه (صرصوريان) - فانكمش هذا الأخير فى مقعده مفسراً:

- عندما وصلنا إلى هذا الكوكب وجدنا مخلوقات عمالقة
الحجم كالصرصورات المنقرضة.. راقبناهم ودرسنا لغاتهم..
وأكثر مكان لفت إنتباهنا هو مكان يسمى (مصر).. فأهلها

يعاملون جنسنا
بوحشية.. ويأكلون
طعامنا.. ومستوى
ذكايم أصابنا بالغثيان..
التقط (صرصوريان)
أنفاسه ثم واصل حديثه:



- ثم قررنا الدخول
فى مجالهم الجوى.. وبتحليل الجو وجدنا أن هوانهم يشبه
الهواء المنبعث من بيضنا بعد الفقس.. ثم اكتشفنا المهزلة
الرهيبية.. أنهم يحبسون جنسنا فى أقراص يسمونها (برشام
صراصير) *..

وفى أثناء استكشافنا للمكان حدث بيننا وبينهم صدام مباشر.. فواجهونا بسلاح كيميائي يُسمى (بيرسول).. ففقدوا على باقي صراصير البعثة.. ولأني من الناجين من الحرب الكيميائية الرابعة على كوكب (صرصوريا)؛ فقد اكتسبت مناعة خاصة تمكنت بها من الهرب منهم والعودة الى هنا..

سأله الملك بعصبية

شديدة:

- هل تعني أن جنسنا

العظيم يباد على هذا

الكوكب؟!..

أجاب (صرصوريان)

خائفا:

- نعم أيها الملك.. وعلمنا من تاريخهم أنهم هزموا كوكب (أرعوران) فى صدام مباشر.. ذلك الكوكب الذى يعتبر الآن من أهم مستعمراتنا لفقس البيض..

لم يستطع الملك تمالك نفسه من هذه الاخبار فاستدعى



قائد جيوشه.. أتى القائد مسرعاً وهو يحمل ملامح الخوف على وجهه، فلم يسبق وأن استدعاه الملك بهذه الطريقة.. وما أن رآه الملك حتى قال له بصرامة:

- فلتستعد جيوش مملكة صرصوريا أيها القائد.. فسوف نشن حرباً ضد الإرهاب على جنسنا فى أحد الكواكب.. ولا بد أن نحسم هذه الحرب لصالحنا، هل تفهم؟.. لا بد.

وكان قوله هذا يعنى أن الامور قد اتخذت منحى آخر..

أكثر خطورة..

جلس (علي) و(أشرف) فى مرصد حلوان أمام شاشة الراصد، قال (أشرف) فى ملل:

- يا للملل، هذه المهنة تشعرنى بالعجز.. كل ما نفعله متابعة الشاشة الحمقاء، ولا أعرف ما الذى



يمكن أن يحدث هنا..

رد (علي) قائلاً :

- يا صديقي أنت خريج كلية الزراعة، ولا أعرف ما الذي
رأته فيك القوى العاملة كي تضعك هنا و...

قطع كلامه فجأة وهو ينظر لشاشة الراصد، ثم قال
لـ(أشرف) بانفعال:

- انظر إلى هذا الجسم المتحرك..

قال (أشرف) بلا مبالاة:

- ماذا به؟ قد يكون نيزكًا ككل النيازك..

رد (علي) قائلاً بنفس الانفعال السابق:

- النيازك لا تتحرك


بهذه الانتظام.. هذا

الجسم متجه إلى

الأرض، إنه

الغزوووووو..

ضحك (أشرف)



وهو يقول لزميله:

- غزو!.. لسنا في (ملف المستقبل) يا صديقي.. لا تهتم
بهذا الأمر.

ولكن (علي) لم يقتنع بكلام (أشرف)، وقرر أن يبلغ
الجهات العليا..

قسم شرطة (حلوان)..

وجاري البحث عن (علي)..

يا (علي).. *


في أحد الأحياء الفقيرة في مكان ما في أرض مصر.. كان
(محمود) يجلس أمام شاشة
التلفاز يتابع أحد الكليبات
على الفضائيات.. الأمر
الذي سوف يجعل منه
مستقبلاً فيلم (أين ركبى)..



* مع الاعتذار للمطرب القدير جداً (ريكو)..

ولكن أثناء اندماجه الشديد لفت انتباهه شيء غريب..
هذه الصراصير تمرح كثيراً هذه الأيام..
ثم أن أعدادها تتزايد بشكل ملحوظ..

قد يحدث هذا
في الصيف*..
ولكنه غير
طبيعي في الشتاء..
وأخيراً قرر أن
يفعل شيئاً ذو
أهمية..



ذهب إلى وزارة البيئة، وبعد عناء تمكن من مقابلة
مسنول بها، فقال له:
- هناك مشكلة خطيرة يا سيدي.. إن الصراصير تتزايد
بشكل غريب..

نظر له المسنول باستخفاف، قائلاً:

* راجع قصة (موجة الحر).

- هذا شيء خطير فعلاً، ولكن ماذا أفعل لك أنا؟! لسنا
نبيع بيرسول ها هنا..

قال (محمود) بجدية:

- انا أتكلم عن الظاهرة نفسها، وليس عن البيرسول..

صمت المسنول لحظة، ثم قال ببرود:

- ظاهرة!.. على كلامك هذا، قد يأتيني أحد الأشخاص
أمثالك ليشتكي من أن (الجزر) طويل عن الطبيعي، باعتبارها
ظاهرة،

ويصبح كل
مواطن

بظاهرة، أنتظن
أن

الديموقراطية

قد تصل الى

هذا الحد؟!.. أنتظن أنها قد تصل أساساً؟!..

سأل (محمود) وقد بدأ صبره في النفاذ:



وفي خلال ثلاث دقائق كان (محمود) يجلس في قسم شرطة (...). وبعد أربع ساعات* تم الإفراج عنه بعد إثبات عدم تورطه في أي شيء من الـ (ولا حاجة) التي تمت..

وخرج من قسم الشرطة وهو يسب لجميع أنواع الحشرات، وبالأخص الصراصير، وتمنى لو أبادهم جميعاً..
خرج وقد تأكد أن الشعب الآن أصبح في خدمة الحشرات..

وعاد إلى منزله وقد اتخذ قراره الحاسم..

مشاهدة الكليبات..

الجامعة..

طحن..

بافترا..

والتي اكتشف أيضاً..

إنها مليئة بالحشرات..

* * *



* نظراً لإجراءات رقابية، لن أستطيع كتابة ما حدث في الأربع ساعات..

- وماذا يجب أن أفعل الآن؟..

أجاب المسنول بعدم اهتمام:

- اذهب إلى الشرطة، فهي في خدمة الشعب.. وأخبرهم أن الصراصير تتزايد..

صرخ (محمود) بعنف:

- "Objection" *

سأله المسنول بحزم، وجدية،
وصرامة، وقوة:

- هل أنت معترض؟

أجاب (محمود) بحسن نية وهو لا يعلم ماذا يحدث لمن يقول نعم:

- نعم، لا يوجد نظام هنا..

* كلمة إعتراضية وكتبت بالانجليزية لهواة البحث وليست على سبيل

استعراض اللغة ..

في فجر أحد الأيام انطلق ذلك الطنين المزعج في سماء مصر..

واستيقظ المصريون ليفاجنوا بكارثة..

أعداد هائلة من الصراصير تحلق في الجو..

وانطلق المصريون بـ(البيرسول) وكل أنواع المبيدات..
والمقشآت..

وحتى مضارب التنس..

ليواجهوا ذلك الغزو..

وكانت حرباً شعواء..

راح ضحيتها آلاف الصراصير والمصريين الشجعان..



وانهزمت الصراصير على يد المصريين..

وعادوا إلى كوكبهم منكسين الشنليات..

واحتفل المصريون بالنصر..

وانطلقت الصحف تهني الحكومة المصرية!!..

وبدأ عهد جديد..

بلا صراصير..

في كوكب (صرصوريا)..
كان الملك (صرصر) يستشيط
غضباً، وهو يصرخ قائلاً:

- لم يكن من المفترض
أن يحدث ذلك.. كان من
المفترض أن نحتلهم في



الجزء الأول من هذه القصة..

قال الحكيم وهو يحاول تهدئته:

- لم نكن نتوقع أن يقاومونا بهذه الشراسة أيها الملك..

صرخ الملك في وجهه قائلاً:

- كان يجب أن نتوقع أي شيء..

الفهرست

5	طريقة عمل مسنول بالأرانب
9	قال أغنية قال
14	الفيلسوف الحكيم د. عبد العليم
15	نورث مصر
28	الفيلسوف الحكيم د. عبد العليم
29	صديقي رئيس جمهورية
49	بتروش فين مع الشلة
61	سيدنا
70	الفيلسوف الحكيم د. عبد العليم
71	تحت الحصار
83	السلطانية
87	استبيان هام
92	الفيلسوف الحكيم د. عبد العليم
93	فيلم سينما
113	ثلاثي أضواء بير السلم
125	تحت علم (صرصوريا)

* * *

وصمت قليلاً ثم واصل متوعداً:

- سوف نحتلهم في الجزء الثاني.. هذا ما يجب أن يحدث..

قال الحكيم خانقا:

- ولكن هذا لن يحدث.

سأله الملك في حدة:

- ماذا تعني؟

أجاب الحكيم:

- لا يوجد جزء ثاني.. انظر ماذا كتب المؤلف في نهاية

القصة..

تمت بحمد الله*




* ملحوظة: لا تقرأ هذا العدد.. و خاصة هذه القصة..

مولونوف

نورث

مصر



التمن في مصر 3 جنبهات
او ما بعد لها بالنوار الامريكى



دار للنشر والتوزيع
دار للنشر والتوزيع

سلسلة قايبة للاخبار

دار للنشر
&
دار للنشر